

楚石禪師語錄

卷一
之五

C40
4514
(168)

8 9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6

三石屏金
處典尋常
劔不同且道如何是別處

撐着月可謂光前絕後獨據靈

竟如何諸人頸落也老僧更

萬斛盈舟信手拈


拈提百轉蘊公案

圓悟禪師評

碧巖錄八之十卷

鶚五各切併補

鵬也姓



C40-45-14

丁翁上座請大猷及有
家書曼武州紫雲山
我微笑踏院庫府中未
為學者不敢許出院內
膏山二世鐵牛機謹誌



B 64853



皇圖鞏固 帝道遐昌

佛日增輝 濃輪常轉

佛日普照慧辯楚石禪師六會語錄序

大慧提唱圓悟之道於徑山神機妙用廣大無礙入
其門者凡情盡喪得法弟子不翅十餘人各闡化原
而佛照於其中稱爲善繼佛照之後而妙峯紹之妙
峯之後而藏叟承之如持左券相授器度脗合無差
爽者寂照在四傳之餘復能克肖前人誠所謂世濟
其美然而諸佛證入雖有不同其上接西來宗旨使
人離垢氛而發精明者則一而已矣寂照之弟子楚
石禪師蚤以穎悟之姿銳意於道一時名德若晦機
若虛谷若雲外爭欲令出座下師皆謝之惟詣寂照

之室反覆叅叩一聞鼓鳴羣疑冰消世間萬物總總
林林皆能助發真常之機自是六坐道場說法度人
嬉笑怒罵無非佛事至於現寶樓閣及種種莊嚴導
彼末法因相生悟其與一實境界未嘗違背聲聞之
起水湧山出迨世緣將盡顏色不異常時儵然坐脫
如返故廬則其俊偉光明較於恃口給而昧心學者
其果何如也哉嗚呼大慧之道至矣自他宗言之執
持正法作獅子王哮吼者固往往有人第近季以來
傳者失真瀾倒波隨所趨日下司法柄之士復輕加
印可致使魚目混珍揚眉瞬目之頃輒曰彼已悟矣

何其易悟哉人遂謂之爲瓠子之印非特此也五家
宗要歷抄而熟記之曰此爲臨濟此爲曹洞法眼此
爲滄仰雲門不問傳之絕續設爲活機如此問者卽
如此答多至十餘轉語以取辦於口名之曰傳公案
若是者皆見棄於師者也今觀師之六會語小入無
內大入無外機用真切無愧先德惟具金剛眼者有
以知余言之有在也余耄矣厄於索文者繁多力固
拒之此獨樂序之而弗寘者憫魔說之害教表正傳
以勵世也師諱楚琦其字楚石行業之詳則備見塔
銘中其來徵序者得法上首瑩中獻公也無相居士

洞濩眼宗之是爲五家宗派臨濟得興化興化得南
院南院得風穴風穴得首山首山得汾陽汾陽得慈
明慈明得楊岐楊岐得白雲白雲得五祖五祖得圓
悟至此又析爲二宗妙喜虎丘子孫滿地妙喜得育
王佛照佛照得靈隱妙峯妙峯得徑山藏雲藏雲得
寂照元叟無非磊磊落落掀天揭地者今天寧楚石
禪師實嗣元叟五十年間六坐道場偈語流布叢林
其提唱有六會錄脫略近時窠臼巖持古宿風規電
圻霜開金聲玉振是稱妙喜第五世的骨之孫覽者
自當有所證入至正丁未秋曲江居士錢惟善序

佛日普喚慧辯楚石禪師語錄目錄

序一 宋濂

序二 錢惟善

目錄

卷第一

住福臻禪寺語錄

卷第二

住海鹽州天寧永祚禪寺語錄上

卷第三

住海鹽州天寧永祚禪寺語錄下

卷之四
見在藏經目錄

卷第四

住杭州路鳳山大報國禪寺語錄

卷第五

住嘉興路本覺寺語錄

卷第六

住嘉興路光孝禪寺語錄

卷第七

再住海鹽州天寧永祚禪寺語錄

卷第八

代別

卷第九

秉拂小叅

卷第十

舉古上

卷第十一

舉古下

卷第十二

頌古

卷第十三

佛祖偈贊上

史册

五言家目錄

五

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

石言金月金

佛日普賢慧辯楚石禪師語錄卷第一

住福臻禪寺語錄

小師比丘祖允等編

師於泰定元年冬在徑山興聖萬壽禪寺普座寮受請入寺

山門盡大地是解脫門枉做個佛濃會却泥多佛大水長船高

佛殿城東老母不願見調達比丘常怒嗔信手拈一炷香也是冬行春令

祖堂總是這一隊漢佛濃不到今日不是這一隊漢

大那 卷一百零九

佛灑不到今日且道是肯他不肯他

據室繩牀角頭三尺地是諸人乞命處放過一著轉見不堪你也沒量罪過我也沒量罪過

行宣政院帖孤峯頂上盤結草菴有口只堪掛壁十字街頭解開布袋入水方見長人因什麼到恁麼地度帖云只將補袞調羹手撥轉如來正灑輪指灑座云爲灑來耶爲牀座耶摩霄俊鶻便合乘時止樂困臭徒勞激浪遂陞座拈香祝聖罷拈香云此一瓣香奉爲見往徑山元叟端和尚用酬灑乳之恩歛衲就座天寧老和尚白槌云灑遶龍象衆當觀第一義師

云早是第二義了也餉間便是第三義然當鑪不避火逆新長老今日性命在諸人手裏一任橫拖倒拽重賞之下必有勇夫有麼有麼僧問天坐寶蓋地湧金蓮一句無私如何祝贊師云吾常於此切進云常將日月爲天眼指出須彌作壽山師云三千年黃河一度清進云我本無心有所希求今此灑王大寶自然而至且如何是灑王大寶師云有眼者見有耳者聞進云莫祇者便是麼師云擊碎髑髏拽脫鼻孔進云如何受用師云直待雨淋頭僧禮拜師乃云未離兜率已降王宮未出母胎度人已畢三世諸佛歷代

祖師天下老和尚說心說性舉古舉今總是無風而
市之波實情好與二十拄杖新福臻今日不是盡瀆
無民打頭不遇作家到底翻成骨董人若相委悉拈
却炙脂帽子脫却鶻臭布衫其或未然明朝後日大
有事在復舉臨濟示衆云赤肉團上有一無位真人
常在汝諸人面門出入未證據者看看時有僧出問
云如何是無位真人濟下繩牀撥住云道道僧擬議
濟托開云無位真人是什麼乾屎橛便歸方丈師云
臨濟若無後語洎被打破蔡州雖然家無白釋之圖
必無如是妖怪

除夜小叅善哉三下板知識盡來叅旣善知時節吾
今不再三諸仁者一舉更不再舉今已再舉一聞更
不再聞今已再聞頭頭上明物物上了如理如事亘
古亘今不是涅槃心亦非正凜眼恁麼恁麼三世諸
佛祇言自知不恁麼不恁麼六代祖師無啓口處設
使言前薦得猶爲滯殼迷封假饒句下精通未免觸
途狂見今夜向紅爐上拾一點雪枯木上糝些子花
與你諸人赴個時節殘燈隨臘盡爆竹送春來復舉
盤山云向上一路千聖不傳慈明云向上一路千聖
不然妙喜云向上一路熱鉢鳴聲師云三大老盡力

道只發明得向下一路若是向上一路驢年夢見麼
元宵上堂今朝正月半燈月兌撩亂目前無一物打
鼓普請看復云刺破眼

上堂僧問不愁念起惟恐覺遲如何是覺師云牛角
馬角進云如何是念師云四五十也不識僧禮拜
乃云心不是佛智不是道開口卽鎔動念卽乖諸聖
競出頭來未免指鹿爲馬到者裏說個什麼卽得指
東指西得麼點胸點肋得麼好晴好雨得麼行棒行
喝得麼總是弄粥飯氣佛癩未夢見在平白散去孤
負上來鼓這兩片皮謾大衆不少今作麼生歸堂

上堂巖頭道須是一一從自己胷中流出與我蓋天
蓋地去恁麼道被他掘窖湮埋了也茫茫宇宙人無
數那個男兒是丈夫男兒丈夫相去多少待你出窖
來却向你道

朝京回上堂祝聖罷僧出問云奉詔迢迢上玉京京
師早已播師名天香滿袖歸來也恰值黃河一度清
學人上來請師祝贊師云天無私覆進云金枝永茂
千千界玉葉長較萬萬春師云且得闍黎證明進云
管日宋太宗皇帝因僧朝見垂問云甚處來答云廬
山臥雲菴帝云朕聞臥雲溪處不朝天因甚到這裏

當時無對還作麼生師云這僧豈不作家進云後來
雪竇代云難逃至化還契得太宗也無師云直是千
里萬里乃云風不鳴條雨不破塊民不失所路不拾
遺正恁麼時好個太平時節山僧近承使命遠届上
京面對龍顏親聞詔旨風雲慶會千載一時及此還
山將何報答也不出這個時節諸佛出世祖師西來
天下老和尚直指曲說總不出這個時節所以道欲
識佛性義當觀時節因緣時節若至其理自彰且作
麼生是自彰底理皇圖齊北極聖壽等南山
浴佛上堂一手指天已在言前一手指地莫教錯會

天上天下可知禮也惟吾獨尊口是禍門正恁麼時
如何委悉拈拄杖千古長如白練飛一條界破青山
色

端午上堂今朝五月五不打禱芸鼓荒却自家田昧
却家中主報諸人休莽鹵赤口白舌盡消除無位真
人汗如雨

上堂舉僧問南院從上諸聖什麼處忝院云不上天
堂便入地獄僧云和尚作麼生院云還知寶應老落
處麼僧擬議院以拂子驀口打復喚僧近前云令合
是汝行又打一拂子雪竇云令既自行且拂子不知

來處雪竇道個瞎且要雪上加霜妙喜云權衡臨濟
三要三玄須還他南院始得雪竇爲什麼却道拂子
不知來處妙喜道個瞎且圖兩得相見師云雪竇雖
是明眼宗師要且未知寶應老落處旣未知寶應老
落處因什麼却道拂子不知來處只具一隻眼妙喜
老漢道個瞎也是東家入家西家人助哀

上堂幾回生幾回死生死悠悠無定止自從頓悟了
無生於諸榮辱何憂喜薦拈拄杖云這個不是無生
永嘉大師什麼處去也擊香臺云在這裏擲下云急
急如律令

上堂滿耳非聲滿眼非色剎剎觀音塵塵彌勒當陽
有指示徧界無踪跡無踪跡何所得你還見壁麼
上堂什麼物恁麼來莫認驢鞍橋作阿爺下領便下
座

上堂林間鵲噪水底魚行胡僧兩耳帶金鐙踏破草
鞋赤脚走若作奇特解會不直半文錢若作平實商
量總在我手裏拈拄杖云吽吽

上堂竺土大仙心東西密相付纔聞舉着打破髑髏
早是被他丈二釘八尺楯楯了也更開大口道我超
佛越祖坐斷古今與麼不識好惡切不可向衲僧門

下過何故殺人可恕無禮難容

上堂一是一二是二三是三四是四南北東西位
次子細看來三家村裏土地相似只是個無轉智大
王忽若東弗干逮掇過西瞿耶尼南瞻部洲翻作北
鬱單越大洋海底走馬須彌山上行船你又向什麼
處摸索

經會上堂僧問一大藏教是個切脚未審切個什麼
字師云切個不字進云只如不字又切個什麼字師
云莫錯舉似人進云謝師指示師云石羊頭子向東
看乃云諸供養中濃供養最供養卽不無如何是濃

莫道我謾你南無佛陀南無逢磨南無僧伽卓拄杖
云山河大地草木叢林盡向這裏平等證入未解脫
者令得解脫未涅槃者令得涅槃雖在衲僧分上如
經蠱毒之家水也不得沾他一滴靠拄杖下座

上堂長長短短新笋芽零零落落舊籬笆踈踈密密
蠶豆莢紅紅白白鷲粟花山又青水又綠羹又香飯
又喫喫了東西自在行誰能受你間拘束拈拄杖云
還拘束得麼擲下云不可不自在也

施主莊佛上堂舉筓有秀才問長沙某甲曾看千佛
經百千諸佛但見其名未審居何國土長沙召秀才

才應諾沙云黃鶴樓崔顥題後秀才還曾題否才云
不曾題沙云得閒題取一篇好師頌云百千諸佛但
聞名國土從來作麼生黃鶴樓中詩一首任教今古
競頭爭

上堂彌勒真彌勒分身千百億時時示時人時人自
不識拈拄杖云衝開碧落松千丈截斷紅塵水一溪
佛日普照慧辯楚石禪師語錄卷第一

音切

序

脂武粉切 瓠胡故切 耄莫生口切 獻胡官切 蒺藜上慈栗切下呂題切 憇

去利扶云切 汾扶云切 磊力罪切 掀訶言切 揭居揭切

錄

鶻乎忽切 灤盧冬各切 髑髏上徒木切下力候切 榭渠戶切 薺呼豪切 頷

戶感口生口切 靠胡居切 顥胡居切

南京吏部尚書平湖陸光祖施貲刻此
楚石禪師語錄第一卷 昆明沙彌真玄對 眞
州王國英書 徽州吳應芝刻
萬曆庚寅秋五臺山妙德菴識

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

佛日普照慧辯楚石禪師語錄卷第二

古序

佛日普照慧辯楚石禪師語錄卷第二

住海鹽州天寧永祚禪寺語錄上

參學比丘文珰等編

師於天曆元年二月初三日入寺

山門鬧市門頭來千去萬入寺看額能有幾人復云

是什麼便入

佛殿是你我撒土撒沙同門出入生歿冤家

據室這裏無密室傳授底濃痛棒熱喝白日青天儻

或躊躇君往西秦我之東魯

拈宣政院疏笞日靈山親付囑今朝付囑與靈山以

王天部

五言詩卷二

何爲驗度疏云以此爲驗

灑座靈山堂已爲諸人說灑了也還聞麼若不聞未免爲蛇畫足遂陞座

拈香云此一瓣香端爲祝延今上皇帝聖躬萬歲萬歲萬萬歲

此一瓣香奉爲宣政院官嘉興路官海鹽州官同增祿筭

此一瓣香奉爲見住徑山興聖萬壽禪寺妙喜第四世天下老和尚元叟端禪師以酬灑乳乃就座

師云把定乾坤不通水泄放開線道許你商量有麼

有麼僧問山青水綠李白桃紅南北東西總是國王水土四維上下無非佛祖門庭正與麼時請師祝贊師云五日風十日雨進云與麼則築着磕着太也師云間進云春色無高下花枝自短長師云只恐不是玉進云院堂宰相公選佳持合郡尊官同臨灑席未審發明什麼事師云驗在目前進云五祖演和尚道山前一片閒田地义手丁寧問祖翁幾度賣來還自買爲憐松竹引清風且如何是祖翁田地師云看脚下進云賣與阿誰師云聽事不真進云不作貴不作賤作麼生買師云三生六十劫進云爭柰被和尚坐

斷了也師云墻壁有耳進云只如上手契書是什麼人寫師云今日東風起進云謝師指示師云三十棒且待別時乃云山僧管在此山得度是個脫白沙彌無端被人推出人天衆前稱爲長老泥猪疥狗還避得麼今日掇向曲杓木牀指東畫西是窺初入門第一杓惡水到這裏事不獲已只得擘破面皮將些葛藤東葛西葛是以釋迦老子於正覺山前明星出時忽然大悟且遣悟個什麼山僧今日開堂說濃又說個什麼不免將第二杓惡水澆潑諸人恁也拈拄杖卓一下喝一喝

復舉六祖至廣州灑性寺寓止廊廡間暮夜風颺刹幡聞二僧對論一云幡動一云風動往復酬答曾未契理祖云可容俗流輒與高論否直以非風幡動仁者心動耳師云諸禪德風動幡動心動爲你拈了也向什麼處見祖師

當晚小參舉同安丕和尚因僧問如何是和尚家風安云金雞抱子離霄漢玉兔懷胎入紫微僧云忽遇客來將何祇待安云金果早朝猿摘去玉華晚後鳳銜來師云正偏回互不犯鋒鋌問答縱橫惟明尊貴同安老人慣得其便或有人問天寧如何是和尚家

風向道鉢孟饋子忽遇客來將何祗待飯後一杯茶
且道與古人是同是別

上堂金刀剪不破彩筆畫難成千里莫持來萬般俱
割却釋迦老子道應如是知如是見如是信解不生
灑相正是推波助瀾未得脫洒在如何是脫洒一句
芍藥花開菩薩面櫻欄葉散夜叉頭

上堂米裏有蟲麥裏有麵厨庫僧堂山門佛殿盞子
撲落地碟子成七片

淨慈雪窓炎書記至上堂上大人丘乙巳化三千七
十士爾小生八九子佳作仁可知禮也召眾云是什

麼語話孔門弟子無人識碧眼胡僧笑點頭

上堂鴉啼古木犬吠淡林雲橫不斷青山潮落無邊
滄海漁歌出浦行行宿鷺羣飛日影穿林處處炊煙
競出田家麥熟卽便栽禾隣婦蠶眠相將剝繭沾鹽
買醋運水搬柴解纜張帆垂鞭鞞袖燒香掃地合掌
搖頭文殊普賢無端起佛見灑見貶向二鐵圍山了
也還有人救得麼若有不妨起死回生如無且聽填
溝塞壑

施主入山上堂南泉道盡大地是王老師檀越施者
作施想不作施想受者作受想不作受想若施者作

施想入地獄如箭射若受者作受想亦須銜鐵負鞍
莫教蹉過南泉

上堂天上無彌勒地下無彌勒白月印千江清風生
八極豎拂子云是什麼復云麈尾拂子也不識

上堂舉僧問夾山如何是相似句山云荷葉團團團
似鏡菱角尖尖尖似錐復云會麼僧云不會山云風
吹柳絮毛毬走雨打梨花蛺蝶飛師云夾山老漢與
麼答話恰似夾竹桃花錦上鋪華只是未曾點着本
分事在若有人問天寧如何是相似句向他道莫將
支遁鶴喚作右軍鵝

施主請上堂僧問混澆未分時何如露柱懷胎請師
指示師云諸方舊話子進云教學人如何趨向師云
棒上不成龍進云分後如何如片雲點太清裏諦當
不諦當師云一言既出駟馬難追進云未審太清還
受點也無當時靈雲不對意在什麼處師云無朕跡
進云恁麼則合生不來也亦不對且道對卽是不對
卽是師云半夜放烏雞進云直得純清絕點時如何
猶是真常流注與者僧問處是同是別師云據款結
案進云如何是真常流注似鏡常明爲什麼呼他作
鏡師云可惜許進云向上更有事也無云打破鏡來

與汝相見古人意作麼生師云也是徐六擔板進云
萬古碧潭空界月再三撈漈始應知師云墮坑落塹
僧禮拜師乃云若論生佛未具以前一段大事只在
諸人脚跟下動便踏着只是不知起處你道從甚處
起掀翻四大海踢倒五須彌正覓起處不得豈不見
東山演祖云山僧昨日入城見一棚傀儡不免近前
看或見端嚴奇特或見醜陋不堪動轉行坐青黃赤
白一一見了子細看來元來青布幕裏有人山僧忍
俊不禁乃問長史高姓他道老和尚看便了問什麼
姓師云誰家別館池塘裏一對鴛鴦畫不成

上堂千人排門不如一人拔關若一人拔關千人萬
人得到無爲安樂之地山僧與你諸人着力看以手
招云歸去來歸去來

上堂寒食前清明後雨打桃花風吹石臼近來百物
價平白米三錢一斗好大哥參堂去

上堂舉僧問乾峯十方薄伽梵一路涅槃門未審路
頭在什麼處峯以拄杖畫一畫云在這裏師云白雲
萬里僧舉前話問雲門門云扇子踣跳上三十三天
築着帝釋鼻孔把東海鯉魚打一棒雨似盆傾師云
白雲萬里忽有人出來問天寧與麼批判還愜得二

大老意麼向他道白雲萬里呵呵囉囉哩囉囉哩
刹刹塵塵知幾幾十字街頭石敢當忽然吸竭滄溟
水你輩茄子瓠子那裏知得拍禪牀便起

聖節上堂僧問佛祖因緣卽不問君臣慶會事如何
師云瑞草生嘉運林花結早春進云如何是君師云
莫觸龍顏進云如何是臣師云量材補職進云如何
是臣向君師云赤心片片進云如何是君視臣師云
如月入水進云如何是君臣道合師云俱乃舉無着
與外道論義着云天下太平國王長壽外道杜口不
能破師頌云義有河沙數不出這一句蚊子上鐵牛

無你下觜處

上堂眉毛雖長不礙眼鼻孔雖高不礙面諸佛雖悟
無二心衆生雖迷無二見見不見倒騎牛兮入佛殿
佛涅槃上堂披胷示衆云要見釋迦老子向這裏識
取汝等善觀吾紫磨金色之身今日則有明日則無
咄這野狐精縮頭太過忒諸佛亦如是現在諸佛亦
如是未來諸佛亦如是卓拄杖云如是如是又卓一
下云不是不是

進退兩序上堂東邊昀東邊忒西邊的西邊忒忒
實不去生鐵稱銼被蟲蛀來來實不來燈籠沿壁上

天台且道不動尊居何國土一鏃破三關分明前後路

上堂心本是佛造作還非道不用修染污不得只此不染污是諸佛之所護念與麼道早是染污了也絲毫繫念三塗業因瞥爾情生萬劫羈鎖所以經云若以色見我以音聲求我是人行邪道不能見如來你道那個是如來銅頭鐵額烏嘴魚腮

上堂見色便見心大地山河是心作麼生見又云心不見心無相可得拈拄杖云觀世音菩薩變作一條墨漆拄杖子繞四天下走一遭回到山僧手裏却是

芭蕉和尚你有拄杖子我與你拄杖子你無拄杖子我奪你却你拄杖子若作佛法商量生身陷地獄靠拄杖

結夏小參僧問大通智勝佛十劫坐道場佛法不現前不得成佛道此意如何師云也無此意也無如何進云未審何時得成佛道師云也無佛也無道進云莫落空否師云空亦空進云即今道空的是什麼人師云這漆桶進云本來無罣礙隨處任方圓師云玄沙道底乃云以大圓覺爲我伽藍身心安居平等性智召衆云性智既然平等說什麼聖說什麼凡說什

麼迷說什麼悟古也如是今也如是僧也如是俗也如是出出入入何礙安居往往來來是真禁足譬如
螞蟻蟲在蚊子眼睫上作窠向十字街頭叫云土曠
人稀相逢者少復有頌云金毛獅子喋屎狗雪白象
王推磨驢直下不生顛倒見九旬無欠亦無餘

靈隱古鼎銘書記至上堂世尊三昧迦葉不知迦葉
三昧阿難不知阿難三昧商那和修不知商那和修
三昧優波毘多不知諸祖三昧各各不知且置喚什
麼作三昧良久云除却黃龍頭角外其餘盡是赤斑
蛇

上堂拈拂子敲禪牀云觀音妙智力能救世間苦還
聞麼復敲一下云我爲什麼不聞召衆云莫道我謾
你你更謾我太煞也

上堂兔角不用無牛角不用有兩兩不成雙三三亦
非九夜來空手把鉏頭天曉面南看北斗

上堂或時語須辨取或時默誰委悉久參上士不要
丁寧晚學初機卒難話會只知道近上人問道則失
道近下人問道則得道不上不下不得不得失道在阿
那頭有時乘好月特地過滄洲

上堂若能轉物卽同如來你道物作麼生轉僧堂入

佛殿裏行佛殿入僧堂裏過須彌山騎牛說話木人
打鼓唱歌露柱每日搗箠樵椎拍手笑他且道笑個
什麼呵呵便下座

解夏小參僧問如何是學人自己師云你問我覓乃
云諸仁者百了千當名爲無事道人若到諸方管取
明牕下安排永祚這裏放過卽不可何謂如此百了
千當底猶在半途豈不見圓悟和尚道以世諦法接
人去落在世諦法中以祖佛機接人去落在祖佛機
中以向上拈提接人去落在向上拈提中以恁麼恁
麼接人去落在恁麼恁麼中以不恁麼不恁麼接人

去落在不恁麼不恁麼中以總不恁麼總不恁麼接
人去落在總不恁麼總不恁麼中直饒萬里無片雲
青天也須喫棒當知此事不從他處得來我王庫內
無此刀此刀不離王庫內末後一句始到牢關把斷
要津不通凡聖九十日末後句作麼生遣朱夏火雲
燒碧洞清秋危露滴金盤復舉僧問雲門樹凋葉落
時如何門云體露金風師云這僧若遣個謝師答話
雲門大師管取有理難伸山僧卽不然樹凋葉落時
如何拈起拄杖纔佇思打下灑堂免致諸方檢點
中秋上堂貴買朱砂畫月筭來枉用工夫純將白粉

塗成要且未是真月文殊道但一月真中間自無是月非月豎拂子云本無偏獎處剛有不明時

靈隱竹泉和尚至上堂舉廣慧璉和尚道我在先師會中見舉竹篋問省驢漢云喚作竹篋則觸不喚作竹篋則背作麼生省近前奪得拋向地上云是什麼先師云瞎省從此悟入我道省驢漢悟則太煞悟要且未盡先師意旨師云大小廣慧怎麼道先師實有意旨那將一把火炙看面皮厚多少下坡不走快便難逢若是向上提持還我竹泉師兄始得

建寶塔上堂僧問答日南泉和尚因趙州問云如何

是道泉云平常心是道如何是平常心師云敲水取火掘地覓天進云大好平常心師云我不如你你自會得好乃云問既不弱答得又奇你道契二大老不契二大老還有人道得麼試出來道看如無人道得自道去也一分奉釋迦牟尼佛一分奉多寶佛塔

上堂汝等諸人見我開口便作說灑會見我無言便作默然會總向兩頭覓我爭知不在兩頭你道尋常在什麼處莫是高高峯頂立不露頂麼深深海底行不濕脚麼若恁麼早被伊尋着也還知山僧有隱身訣麼終朝不見長相見盡日相逢却不逢有念盡爲

煩惱鎖無心端是水晶宮喝一喝

上堂古人眞實相爲放下便穩我却恁麼撩起便
行一等是踏破草鞋何故隨人脚後跟轉拈拄杖云
拄杖子騎佛殿出山門去也

上堂大樹大皮裹小樹小皮纏若不同牀睡焉知被
底穿

冬夜小參僧問萬丈寒潭徹底冰時如何師云陽氣
發時無硬地乃云欲得恁麼事須是恁麼人若是恁
麼人何愁恁麼事喚作恁麼事早是無事生事何況
馱頭襍話趁讚過時今日三明日四肚裏黑漫漫地

脚下浮逼逼地拈槌豎拂他又不見彈指聲咳他又
不聞開口動舌他又不會如無孔鐵槌相似養得一
萬個有什麼用處龍象蹴踏非驢所堪鵝王擇乳素
非鴨類只貴直下便領更不回頭轉腦不立毫末盡
無邊香水海刹刹全收說一句子滿龍宮溢海藏無
塵不具行一步踏折釋迦老子脊梁骨啞一啞粉碎
百千萬億須彌盧猶是奴兒婢子邊事衲僧門下還
作麼生五九盡日又逢春上元定是正月半

復舉僧問投子大疾的人却活時如何子云不許夜
行投明須到師云鐵輪天子寰中勅帝釋宮中放赦

書

上堂一塵纔起大地全收羅
阿修羅王本身長七百由旬
化身身長十六萬八千由旬
將四種兵與天帝釋鬪
戰修羅不勝走入藕絲竅中
仰面看天低頭看地
呵呵大笑云到處去來不如這裏
修羅修羅今後更敢也無

上堂極小同大忘絕境界極大
同小不見邊表昨夜濃霜似雪
今朝暖日如春
父母未生已前何似這個時節
無事晚來江上望數株寒栢倚斜陽

上堂釋迦老子道若有一人發真歸源
十方虛空悉皆消殞
鄧師翁道若有一人發真歸源
十方虛空築着磕着
圓悟和尚道若有一人發真歸源
十方虛空錦上鋪花
天寧道若有一人發真歸源
十方虛空針劄不入

進退兩序上堂千尺絲綸意在錦
鱗紅尾一聲霹靂要看攫霧拏雲
隨時有卷有舒
靚體無新無舊
炁揚灋社輔弼宗門高蹈世表下視
塵窟總是當人受用處
還委恁麼龍袖拂開全體現象
王行處絕狐蹤上堂驢事未去
馬事到來貓兒上露柱鐵鋸舞三臺
大唐天子呵呵笑移取眉毛眼下栽

上堂目前無灑毛毳地意在目前風颯颯地不是目前灑平坦地非耳目之所到黑漆漆地上是天
下是地靈利衲僧不瞥地既是靈利衲僧因什麼不
瞥地只爲分明極翻令所得遲

施主入山上堂僧問具足凡夫灑凡夫不知時如何
師云純鋼打就進云具足聖人灑爲什麼聖人不會
師云生鐵鑄成進云聖人若會卽是凡夫且道會個
什麼師云寸釘入木進云凡夫若知卽是聖人未審
知個什麼師云一筆勾下進云只如今日施主入山
請和尚說灑爲說凡夫法爲說聖人灑師云吹毛寶

劍逼人寒進云與麼則大眾獲聞於未聞也師云有
什麼了期乃云十方刹土一毫端總是諸人眼自瞞
一一三千大千界拋來擲去又何難豎拂子云三世
諸佛盡向這拂子頭上成等正覺轉大灑輪歷代祖
師盡向這拂子頭上興慈運悲解粘去縛山僧卽今
與你諸人向這拂子頭上一剎那間入華藏世界海
入毗盧樓閣入淨入穢入凡入聖入修羅地獄畜生
餓鬼現種種形作種種神通變化承事諸佛教化眾
生還信得及麼你信也好不信也好擲拂子云拋來
擲去有什麼過

度僧上堂未出家時父母兄弟障你光明不得既出家了師僧道伴障你光明不得觀山翫水處拈香撥火處著衣喫飯處屙屎送尿處總是你光明發現處且如父母未生已前這一段光明在什麼處寶月當空圓聖智何山松檜不青青

結夏上堂今日結也憍陳如尊者領眾歸堂鉢孟口向天露柱脚踏地一要掃刮牀帳防備蚊蟲二要晒眼蒲團免教搭濕三要熱時揮扇困時打眠切不得將禪道佛灑貼在額尖上靈龜負圖自取喪身之兆九十日內作麼生薰風自南來殿閣生微涼復舉雲

蓋安和尚問石霜萬戶俱閉卽不問萬戶俱開時如何霜云堂中事作麼生安云無人接得渠霜云道也太煞道只道得八成安云却請和尚道霜云無人識得渠師云或有人問永祚萬戶俱開時如何向他道且喜到來你道與古人是同是別

中夏上堂前四十五日已過去後四十五日尚未來正當四十五日之中覓現在相不可得所以道過去心不可得現在心不可得未來心不可得此不可得亦不可得平生肝膽向人傾相識猶如不相識

教授俞觀允入山上堂舉雲巖示眾有個人家兒子

問着無有答不得者洞山問云他屋裏有多少典籍
巖云一字也無山云爭得恁麼多知巖云日夜不曾
眠山云問一段事得否巖云道得卽不道師云道得
卽不道作麼生會長恨春歸無覓處不知流入此中
來

上堂山是山水是水僧是僧俗是俗恁麼會又爭得
山是山水是水僧是僧俗是俗恁麼會較些子

解夏上堂今日解也南天台北五臺一任七縱八橫
前程忽有人問永祚近日如何作麼生祇對但道來
時不教某甲傳語管取坐斷天下人舌頭雖然這個

是永祚的那個是上座的

上堂舉祖師道在胎名身處世名人在眼曰見在耳
曰聞在鼻嗅香在舌談論在手執捉在足運奔徧現
俱該灑界收攝在一微塵識者知是佛性不識喚作
精魂師云書頭教娘勤作息書尾教娘莫嗔睜還識
娘面紫麼玉容寂寞淚闌干梨花一枝春帶雨喝一
喝

上堂若據一大藏教說少一字若據祖師門下說多
一字不多不少恰好處道將一句來僧擬進語師便
打出

上堂衆方集師喝一喝便下座

上堂是什麼聲雨滴芭蕉聲又道是打板聲觀世音菩薩將錢買胡餅放下手元來却是生鐵且道爲你說不爲你說

謝衆施主上堂舉黃龍南和尚因化主歸示衆有五種不易一施主不易二化者不易三變生爲熟不易四端坐食者不易且道第五不易是什麼人良久云擲便下座時翠巖真爲首座藏主問真第五不易是誰真云腦後見腮莫與往來師云山僧卽不然第五不易是誰莫怪坐來頻勸酒自從別後見君稀

冬至小參僧問啓運推移日南長至阿那個是常住
灑師云冬不寒臘後看進云教學人如何履踐師云
獨木橋子乃云無陰陽地舍受四時大寂滅場發生
萬物旋嵐偃岳而常靜江河競注而不流野馬飄鼓
而不動日月歷天而不周千言萬言但識取一言自
然言言見諦千句萬句但識取一句管取句句朝宗
直下脫根塵透聲色泯今古離去來水潦和尚被馬
祖一踏踏到起來呵呵大笑云百千灑門無量妙義
只向一毫頭上識得根源去豈不是了事衲僧趙州
道諸人被十二時辰使老僧使得十二時辰你且思

量看行住坐臥語默動靜更有什麼物爲緣爲對盡
乾坤大地何曾有一灑繫綴於人若有針鋒許與我
拈將來我與麼道已是不着便更說什麼羣陰剝盡
一陽復生大似葦苴與虚空安耳穴雖然如是豈敢
違背於他且道他是阿誰咄縮頭去復舉僧問清平
遵和尚如何是小乘平云錢貫僧云如何是大乘平
云井索僧問如何是有漏平云笊篋僧云如何是無
漏平云木杓僧云靚面相呈時如何平云分付與典
座師云永祚不避諸方檢責也要矢上加尖打破大
唐國竟一個會佛灑的不可得

歲旦上堂祖師道果滿菩提園花開世界起拈拄杖
云一花開也是蕊是李今日新年頭昨日舊年尾識
得本來人無憂亦無喜卓一下云處處綠楊堪繫馬
家家門底透長安

上堂萬灑歸真真歸何所白鷺下田千點雪黃鸝上
樹一枝花

州中謝雨歸上堂正說知見時知見卽是心當心卽
知見知見卽如今娑竭羅龍王出海繞須彌山三匝
一頭直至梵天口吐黑雲遮却大千世界然後降雨
於是梵王問云雨從何來龍王答云從問處來又問

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

云問從何來龍王懔懔而退起一陣猛風吹散黑雲
依舊天晴日頭出顧視大衆云我適來道個什麼衆
無語師乃呵呵大笑

經會上堂僧問一切諸佛及諸佛阿耨多羅三藐三
菩提灑皆從此經出如何是此經師云更要注解那
乃舉洞山問講維摩詰經僧云不可以智知不可以
識識喚作什麼語僧云贊灑身語洞山云喚作灑身
早是贊也僧無語師云這裏下得什麼語塞却洞山
口乃云云

佛日普獎慧辯楚石禪師語錄卷第二

音切

饋甫云切 剗楚簡切 鞞丁可切 愜起頰切 蟪上子饒切 睫下叵丁切 睫

式涉切 喋丈甲切 趨巨六切 搗楚充切 愁丑刃切 讚古困切 咳苦代切

攬居縛切 拏尼牙切 絀先舍切 颯思合切 肩烏何切 眼力黨切

聾尼止切 畧居美切 藟上力瓦切 懔上叵果切 懔下來可切

貴州提學副使嘉興包裡芳施贊刻此
楚石禪師語錄第二卷 昆明沙彌真玄對真州
王國英書 溧水毛詩賦刻
萬曆庚寅秋五臺山妙德菴識

佛曰普賢慧辯楚石禪師語錄卷第三
住海鹽州天寧永祚禪寺語錄下

叅學比丘文、玟等編

上堂一道圓允阿誰無分貓兒若無分爲什麼捉老鼠若有分爲什麼却做貓兒千年田八百主

上堂若是得的人難覓伊去處大無方所細絕毫釐
永嘉道如我身空灑亦空千品萬類悉皆向雲門道
你立不見立行不見行四大五蘊不可得何處見有
山河大地來我且問你銅砂鑼裏滿盛油因什麼不
遺一滴

浴佛上堂清淨灑身簸土揚塵圓滿報身倚富欺貧
千百億化身弄假像真三身中浴那一身謝三娘秤
銀

解夏小叅僧問西天以蠟人爲驗未審此間以何爲
驗師云驗什麼梳進云和尚豈無方便師云鷄子過
新羅乃云金風扇野素月流天遠水平鋪纖雲盡捲
是處蟬聲噪晚連山木葉驚秋明月無覆藏歷歷絕
滲漏高不在絕頂富不在福巖樂不在天堂苦不在
地獄諸仁者只如生歎交謝寒暑迭遷結解相尋炎
陰似箭無位真人畢竟向什麼處安着披蓑倒笠千

峯外引水澆蔬五老前復舉翠巖夏末示衆云一夏
已來爲兄弟說話看翠巖巖毛在麼保福云作賊人
心虛長慶云生也雲門云關師頌云傑出叢林是翠
巖舌元不動爲誰談如今且喜巖毛在鐵額銅頭總
未諳

上堂明還日輪爲什麼不暗暗還黑月爲什麼不明
要知明暗何來待你眼開始得如何是眼復云瞎
上堂舉灑眼問永明云隔壁聞釵釧聲卽名破戒現
見金銀合襍朱紫駢闐是破戒是不破戒明云好箇
入路師云真箇入得錦上鋪花若入不得眼中着屑

上堂觀色卽空成大智故不墮生歿觀空卽色成大悲故不墮涅槃西天此一隊不啻囉漢寐語住也未拈拄杖云吽吽

薦亾上堂舉天衣懷和尚云百骸俱潰散一物鎮長靈百骸潰散皆歸土一物長靈甚處安南堂靜和尚云一物長靈甚處安長空雲散碧天寬蓮宮佛剎花無數眨起眉毛子細觀師云觀則不無喚什麼作一物喝一喝

上堂舉仰山到東寺寺問汝是什麼處人山云廣南人寺云我聞廣南有鎮海明珠是否山云是寺云此珠如何山云白月卽隱黑月卽現寺云還將得來麼山云將得來寺云何不呈似老僧山叉手近前云昨到瀉山被索此珠直得無言可對無理可伸寺云真師子兒善師子吼師云仰山雖是箇師子兒爭奈把鎮海明珠作豌豆賣却千古之下遭人點檢山僧今日黨理不黨親便是東寺到來也須勘過了打上堂頭上是天脚下是地青山是青山白雲是白雲你會也有馬騎馬無馬步行你若不會夜行莫踏白不是水定是石

上堂山門頭合掌佛殿裏燒香且道有指示無指示

劍去久矣爾方刻舟

除夜小參僧問一年將盡夜萬里未歸人還許歸去也無師云十里長亭五里短亭進云與麼則不歸也師云直須歸去進云作麼生是到家一句師云天寒日短兩人共一椀乃云作一句商量師子吼野干鳴不作一句商量野干鳴師子吼一時坐斷未許作家千里持來堪作何用盡乾坤大地無不說老婆禪爭知永祚這裏不打這鼓笛雲門大師云諸方老和尚道須知聲色外一段事這箇說話誑謗人家男女三間灑堂裏獨自妄想未曾夢見我本師意旨在作麼

生消他信施臘月三十日又須償他始得當時早有與麼說話如今是什麼時節師召大眾衆纔舉頭師便喝復舉藥山一日謂雲巖云與我喚沙彌來巖云和尚喚他作什麼山云我有箇折脚鐺子要伊提上挈下巖云與麼則與和尚出隻手去也師云見與師齊滅師半德見過於師方堪傳授雲巖當時也欠一著待他道我有箇折脚鐺子要伊提上挈下抽身便出雪後始知松柏操事難方見丈夫心

鑄佛上堂僧問如何是金佛不度鑪師云填溝塞壑進云如何是木佛不度火師云正是時進云如何是

泥佛不度水師云東西南北十萬八千乃云泥佛浸了也木佛燒了也金佛鎔了也眞佛勘破了也趙州老漢趂出院了也一去更不再來咄

上堂無手人行拳無舌人解語忽若無手人打無舌人無舌人連忙道箇不必復云只箇不必天下衲僧跳不出

上堂鼓聲昨夜問鐘聲今日鐘聲答鼓聲廊下木魚開口笑賤將佛灑作人情

上堂天高東南江河淮濟注於海而海不溢地傾西北日月星辰繫於空而空不低人人鼻直眼橫日日晝明夜暗諸佛不出世祖師不西來佛灑徧天下談玄口不開會麼釋迦老子在西天文殊大士居東土上堂未曾親近早隔大千駕頭已入含元殿猶向空塔擊靜鞭

上堂對一說水流濕火就燥倒一說風從龍雲從虎何故人心難滿谿壑易盈

結夏小叅僧問如來聖制禁足護生一蟻子性命與諸人性命是同是別師云猴愁樓搜頭進云諸人性命與佛祖性命是同是別師云狗走抖擻口進云古人道護生須是殺殺盡始安居未審殺箇什麼師云

更叅三十年進云離相離名人不稟吹毛用了急須
磨師云鎔僧便喝師拈拄杖僧禮拜師乃云一蟻子
性命卽是諸人性命諸人性命卽是佛祖性命丁一
卓二踢七踏八長者長灑身短者短灑身只如寒暑
交遷陰陽互換日日日東上日日日西沒是心是境
是有是無是箇什麼道理今日結却布袋口有也被
布袋罩却無也被布袋罩却總未有出頭分在若要
陞座文殊白槌云諦觀灑王灑灑王灑如是世尊便
下座師云將謂世尊別有長處也只懣懣便休致令
後代兒孫箇箇龍頭地尾

上堂閉却僧堂門倩人守院未稱全提盡大地荒却
正好喫棒人無遠慮必有近憂

端午上堂今朝五月五艾人騎艾虎南北東西走一
遭回來說道大地衆生皆受苦所謂生苦老苦病苦
死苦乃至五陰盛苦一切諸苦皆可醫惟有禪和子
心病最難醫用不得砒霜石蜜甘草陳皮作麼生醫
得我有一隻古方無有醫不得者僧問趙州學人乍
入叢林乞師方便州云喫粥了也未僧云喫粥了也
州云洗鉢盂去粥了洗鉢不用狐疑鯨吞海水盡露

出珊瑚枝撫掌下座

上堂佛佛厮漏洩祖祖太莽鹵禪禪幾何般
道道直下掃這瑠璃瓶子護惜是箇什麼盡是諸
人撲碎了也更來這裏覓什麼盃

解夏上堂僧問空劫已前威音那畔還有結解也無
師云莫妄想進云不妄想時如何師云磕睡漢進云
摩竭他國親行此令師云西天斬頭截臂進云當時
得道如恒河沙未審今日山中幾人得道師云蠅子
放卵進云與麼則靈山一會儼然未散也師云上
更加泥乃云盡十方世界是箇真實人體菩提煩惱

生來涅槃有爲無爲前聖後聖結制解制長期短期
真實體上了沒交涉雪峰三到投子九上洞山末後
鰲山店上打失鼻孔大隋叅六十餘員善知識長慶
坐破七箇蒲團興化於大覺棒頭溪叻黃檗意旨掀
翻海岳罷却干戈如將谷響千斤換得空花萬片威
音那畔空劫已前但有言說都無實義穿却天下人
鼻孔一句作麼生道大鵬展翅蓋十洲籬邊燕雀空
啾啾復舉雲門秋初夏末前程忽有人問未審對他
道什麼門云大衆退後僧云過在什麼處門云還我
九十日飯錢來師云放過卽不可未審道什麼但對

他道七十二棒翻成一百二十過在什麼處對他道
你但喫棒我要這話行

上堂箇箇抱荆山之壁人人懷滄海之珠幹旋佛祖
樞機提掇衲僧巴鼻盡謂頂門眼正咸言肘後符靈
殊不知靈龜負圖自取喪身之兆出格一句作麼生
朝霞不出市暮霞行千里

聖旨看藏經上堂僧問一封丹詔九天來大地山河
唱善哉滿藏不知何所說青蓮華向口中開奉詔旨
看藏經請禪師祝聖壽師云一字是一歲進云堆山
積岳知多少共祝龍樓不盡年師云爛葛藤進云依

經解義三世佛冤離經一字如同魔說去此二途請
師甄別師云蟻子不食鐵乃云百千癩門同歸方寸
河沙妙德總在心源大福德人修大福德人受是以
恒沙刹土莫不稟其威靈草木昆蟲亦皆資其化育
今則濃筵洞啓教藏宏開重重福德門種種壽量海
如天普覆如地普擎如日普照如風普吹仲尼云吾
禱久矣復舉宋太宗皇帝因入寺問僧云看什麼經
僧云仁王護國經帝云既是寡人經因什麼落在卿
手裏僧無對後來雪竇代云皇天無親惟德是輔師
云若問永祚但以頂戴經云萬歲萬歲

上堂舉南泉問黃檗黃金爲世界白銀爲壁落是什
麼人居處檗云是聖人居處泉云更有一人居何國
土檗叉手而立泉云道不得何不問王老師檗却問
更有一人居何國土泉云可惜許師云二大老一人
無事生事一人將錯就錯直是好笑當時若作黃檗
待他道更有一人居何國土但道這野狐精設使南
泉通身是口也須飲氣吞聲

初祖忌拈香這漢西來特地癡獸不立文字處張意
氣直指人心轉見病深見性成佛翻成窠窟靈山直
是不甘他牛糞燒香狗屎茶因甚如此祇爲如此報

德酬恩只這是

上堂師到灑堂前與大眾和南單便歸方丈衆隨後
師云更無一箇靈利衆乃散

施主捨米入山上堂舉雪峯示衆云盡大地掬來如
粟米粒大拋向面前漆桶不會打鼓普請看師云你
諸人看不出時僧堂裏長連牀上疊足坐了子細咬
嚼去

佛涅槃日上堂二月十五中春節紅花白花相間發
金棺不獨示雙趺花裏靈禽更饒舌說箇什麼喝一
喝

上堂三身四智非聖人不無八解六通非凡夫不有
木人把板雲中拍石女含笙水底吹是何曲調破陣
子

楊府安人真如善住二居士入山齋僧上堂沙門釋
子頭戴施主屋脚踏施主地口喫施主飯身着施主
衣將什麼報答施主入道不通理復身還信施長者
八十一其樹不生耳若終日喫飯不曾咬破一粒米
終日著衣不曾掛著一縷絲行不見行立不見立十
二時中不依倚一物不見施者不見受者亦無施物
恁麼見解正是增上慢人別造地獄著你在總不恁

麼時如何大衆歸堂喫茶去

上堂舉大愚芝和尚一日問侍者云你問訊了一邊
立地是什麼道理答云不會愚云過這邊立侍者便
過愚云無端無端師云成人者少敗人者多

結夏小叅僧問觀山翫水訪道尋師離此二途請師
指示師云亂走作麼進云和尚恐某甲不實師云草
賊大敗進云漢地不收秦不管夜來明月上高峯師
云引不著進云四月十五日結爲什麼人結師云癩
馬繫枯椿進云七月十五日解又作麼生解師云達
磨來也進云還有不在裏許者麼師云漫天網子百

撰述
類不詳卷三
千重進云本來無罣礙隨處任方圓師云放過一著
僧禮拜師乃云或有梅檀叢林梅檀圍繞或有荆棘
叢林荆棘圍繞或有荆棘叢林梅檀圍繞或有梅檀
叢林荆棘圍繞汝等諸人橫擔拄杖緊峭芒鞋這邊
那邊東去西去在那箇叢林中若在那梅檀叢林則是
金毛獅子能縱能奪能殺能活若在那荆棘叢林則是
狐狼野干不能縱不能奪不能殺不能活隨羣逐隊
怖死貪生椎殺千萬箇有什麼罪過且如兩種叢林
交互圍繞時喚作金毛獅子又是狐狼野干喚作狐
狼野干又是金毛獅子畢竟喚作什麼能縱不能縱
能奪不能奪能殺不能殺能活不能活又如何定當
若定當得出許你天下橫行若定當不出九旬無解
脫之期百劫受沈淪之苦

復舉僧問趙州如何是咬人獅子州云歸依佛歸依
灑歸依僧莫咬老僧師云這僧也只是箇喋屎狗爲
什麼趙州一見便撒屎撒屎彩奔齷家

上堂晝昇兜率夜降閻浮爲什麼摩尼珠不現師云
現也現也驀拈拄杖卓一下云百禩碎了也諸人總
來這裏覓箇什麼擲拄杖下座

上堂長廊下與你說後架頭與你說灑堂上卽不與

你說何也不說不說
施主設齋上堂供養百千諸佛不如供養一箇無心
道人百千諸佛有何過無心道人有何德若會箇中
意牛頭尾上安

解夏小叅僧問直下便是時如何師云劄進云高高
處觀之不足低低處平之有餘師云學語之流進云
一夏九旬今已滿請師方便指迷津師云口只好喫
飯進云前程忽有人問和尚近日如何爲人向他道
什麼卽得師云西天令嚴進云和尚三寸太密師云
紅霞穿碧落白日繞須彌進云一句已徧行天下了

也師云也是無端僧禮拜師乃云平地上喫交卽當
不少脚跟下蹉過笑殺傍觀卽心卽佛非心非佛此
地無金二兩俗人沽酒三升更有不啣嚼底風前月
下幾度沈吟海角天涯一生流浪西天以蠟人爲驗
我這裏以竹篋爲驗喚作竹篋則觸不喚作竹篋則
背速道速道擬議不來劈脊便棒復舉長慶云淨潔
打疊了也却近前就我覓我劈脊與你一棒有一棒
到你你須生慚愧無一棒到你你又向什麼處會雪
竇云雪竇卽不然淨潔打疊了也直須近前我劈脊
與你一棒有一棒到你你卽受屈無一棒到你與你

平出但與麼會師云衆中商量道坐在淨潔地上必
須打疊近前覓的喫棒有分覓的是病棒卽是藥所
以雪竇云有一棒到你你卽受屈無一棒到你與你
平出杜撰禪和如麻似粟殊不知二大老一箇掘地
爲坑一箇夷井塞竈皆欲坐致太平爭奈反招怪笑
毗婆尸佛早留心直至今不得妙

無夢噩書記至上堂舉白雲端和尚云寫盡千張紙
徒煩心手勞人情如太華爭似道情高師云大小白
雲猶有這箇在永祚承無夢師兄相訪麤茶淡話兀
坐忘懷若有一箇元字脚彼此不着便何也人平不

語水平不流

上堂黃檗手中棒剝肉作瘡大愚肋下拳喫鹽救渴
速則易改久則難追選佛若無如是眼假饒千載亦
奚爲喝一喝

看華嚴經上堂東西南北四維上下塵塵刹刹總不
離箇華藏世界海有高有下有濶有狹有具有不具
有等有不等有清淨不清淨有短壽有長年且道
毗盧遮那如來卽今在阿那箇世界中說灑又說什
麼灑爲說三乘灑爲說一乘灑爲說無上乘灑爲無
所說試道看若道得許你淨佛國土遊戲神通有情

無情同證同入若道不得生歿海內沈浮

慧鈍巖預修請陞座僧問如意珍用無盡應物遇緣
終不悟如何是如意珍師云多少人用不得進云莫
只這便是麼師云你試用看進云掬水月在手弄花
香滿衣師云話墮也進云今晨施主鈍巖提點預修
寄庫請和尚陞座回向功德一句作麼生舉師云彈
指圓成八萬門一超直入如來地乃云有情之本依
智海以爲源含識之流總凜身而爲體諸仁者還識
此源麼若識此源則千源萬源只是一源還見此體
麼若見此體則千體萬體同爲一體上則爲聖下則

爲凡其在聖也諸佛菩薩緣覺聲聞一向淨用而證
解脫其在凡也天人修羅及三惡道一向染用而墮
輪回欲出輪回全成解脫如人因地而倒因地而起
離却瓶盤釵釧真金不自外來就乎酥酪醍醐美味
悉從中出以至乾坤大地日月星辰草木昆蟲森羅
萬象莫不綉騰今古迴絕見聞透一金剛圈吞一粟
棘蓬則不可說金剛圈栗棘蓬一時吞得透得豈不
是了事漢更聽一偈一微塵裏大寶藏十方處空恣
充滿普放光明照塵刹蒙光觸者煩惱除煩惱除故
覺道成能爲羣生作佛事福德壽量咸增益此妙解

脫鈍巖證不動本際常寂然極未來時闡斯道

鑄大悲像上堂有一居士出問云大悲菩薩通身是手眼是否師云是進云弟子還具否師云具進云只如半夜裏不見一物時手眼在什麼處師云直是通身手眼進云謝師指示師云噓噓乃云據教中道眾生妄見不離前塵開眼見明明不是明合眼見暗暗不是暗在佛殿前過不見佛殿後事在佛殿後過不見佛殿前事皆屬妄見前塵所遮若離前塵無物可見約永祚見處大悲菩薩本自無身亦無手眼有的便道我會也我會也打二十九棒趁出畱一棒自喫

莫有人下得手麼如無今日失利舉麻谷問臨濟大悲千手眼阿那箇是正眼濟云大悲千手眼阿那箇是正眼速道速道谷拽濟下禪牀谷却坐濟云不審谷便喝濟拽谷下禪牀濟便坐谷便出去濟歸方丈師云二大老主賓互換縱奪可觀如猛焰燒空忽雷震地相似雖然與他大悲千手眼有何交涉只見波濤湧不見龍王宮

上堂有僧作禮擬伸問次師便下座

上堂道遠乎哉觸事而真喚什麼作真聖遠乎哉體之卽神喚什麼作神驀拈拄杖劃一劃喝一喝便起

冬至小叅僧問羣陰剝盡一陽復生此性還屬消長也無師云定花板上進云如何是此性師云寒時言寒熱時言熱進云便與麼去時如何師云依稀似佛莽鹵如僧乃云諸人在這裏經冬過夏豈爲身衣口食看山水過時單明自己生歟大事永祚亦不將一灑繫綴諸人初無一箇佛字到汝分上污汝心田若有纖毫直須吐却嗽口三日此是生歟根本頭出頭沒未有了期從無始劫被身口意使總是汝自家擔帶得來非天降非地湧非人與如今不了更待何時一九二九三九四九九九八十一了前頭尚有寒在

復舉文殊菩薩所說般若經云清淨行者不入涅槃破戒比丘不入地獄師頌云常拚白日尋花巷盡把黃金作酒錢翻着襴衫高拍手大家齊唱太平年上堂拈却鉢盂匙箸喫飯不得屏却咽喉唇吻出氣不得色身安灑身不可不安灑身色身是一是二花須連夜發莫待曉風吹

覺首座請小叅僧問世尊拈花迦葉微笑此意如何師云一手不獨拍進云世尊曰吾有正灑眼藏涅槃妙心付囑摩訶迦葉畢竟作麼生付囑師云不知進云今古應無墜分明在目前師云瞎進云盡大地是

一句子請和尚直下全提師云春日晴黃鸝鳴進云
這箇猶是半提作麼生是全提時節師云喫得棒也
未進云間挑野菜和根煮旋斫生柴帶葉燒師云杜
撰禪和如麻似粟乃云我宗無語句亦無一灋與人
若有一灋與人土也滴不得呵呵笑箇什麼我笑
江西馬大師道卽心卽佛又說非心非佛話作兩槩
臨濟道我在黃檗先師處三度問佛灋的的大意三
度被打六十拄杖如蒿枝拂相似如今思得一頓喫
還有人下得手麼頭長三尺項短二寸這兩箇老漢
一向懸羊頭賣狗肉誑諍閻闍自餘因是敗將不斬

永祚這裏未免作歎馬醫但是從前事禡記憶把佛
灋禪道築一肚皮到處逞驢唇馬嘴謾人自謾底盡
情與我颺在垃圾堆頭更不要拈着只麼饑餐渴飲
閒坐困眠雖是博地凡夫便與古佛同叅且道叅什
麼人復舉臨濟會中兩堂首座齊下喝僧問還有賓
主也無濟云賓主歷然師喝一喝

上堂把禪牀拍一拍云看看大地平沈也四大海水
沒至梵天其中眾生受無量苦叫云相救相救梵王
告曰汝等眾生不敬三寶殺盜婬妄飲酒食肉造種
種罪罪來歸身終不他作自受若能改惡修善卽生

天上受種種樂樂盡還墮地獄中不如一念無生便
成正覺道罷扣齒云無端瞎却衆生眼然雖如是禍
不入慎家之門

元宵上堂始賀大年朝又當正月半看看百草長急
急三春換世事密如麻兇陰怵似鑽杖頭窟磊子舉
動令人羨村歌社舞鬪施呈直截示人人不薦

上堂有情說癡無情說癡作麼生是有情山河大地
竹頭木屑總是有情作麼生是無情諸佛菩薩畜生
驢馬總是無情召衆云山河大地竹頭木屑總是無
情因什麼却成有情去諸佛菩薩畜生驢馬總是有

情因什麼却成無情去分明記取舉似作家

上堂芭蕉聞雷而開葵花見日而轉木人拍手石女
唱歌筆描菩薩火中行泥捏金剛水底髮發揚妙旨
指示玄徒只要諸人識取無面目的且道無面目的
如何識未明心地印難透祖師關

上堂舉鏡清問玄沙學人乍入叢林乞師指箇入路
沙云還聞偃溪流水聲麼清云聞沙云從這裏入鏡
清於此得箇入處五祖鄧祖翁云果然得入一任四
方八面若也未然輒不得離却這裏大慧云若要真
箇得入直須離却這裏師云這裏是什麼所在離與

撰述

石齋金卷三

不離夏問阿誰憶
谷東溪日花開
葉落時幾擬以黃
金鑄作鐘子期

解夏上堂今朝七月十五行者先來打鼓
長老口裏喃喃恣意拋沙撒土
若是靈利衲僧直下剷除佛祖
且喜濃歲周圍莫道勞而無補

道舊至上堂舉颯颯涼風景
同人訪寂寥
煮茶山下水燒鼎
洞中樵師云白雲
老人家貧難辦素
食事忙不及草書
只是不合將常住物入自己用

佛日音獎慧辯楚石禪師語錄卷第三

音切

闐徒堅切

呬許今切

潰胡對切

眈仄洽切

眈於九切

諱莫烏切

砒合力切

扶迷切

澗古沒切

滄

齷又澀切

醜吾各切

褫直知切

坵合力切

切渠劫

磊

力罪切

翰林院編修嘉興馮夢禎施貲刻此
楚石禪師語錄第三卷 昆明沙彌真玄對真州
王國英書 徽州吳應芝刻
萬曆庚寅秋五臺山妙德菴識

支那

石齋金卷三

十七卷

佛日普照慧辯楚石禪師語錄卷第四
住杭州路鳳山大報國禪寺語錄

叅學比丘曇紹等編

師於至元元年七月二十五日入寺

山門東門南門西門北門門門有路路頭在什麼處

五鳳樓前

佛殿黃金殿上釋迦老子不合向這裏局展坐具云

且禮拜蓋覆却

土地堂龍王殿赫赫聲濯濯厥靈前朝鳳闕萬古

龍庭雨過吳山插漢青

撰述
據室臨濟在黃檗喫六十拄杖如蒿枝拂相似如今
莫有恁麼衲僧麼設有更須勤過始得

拈宣政院疏白雲出岫本自無心赤水求珠還他网
象萬般存此道一味信前緣

兩浙諸山疏真不掩僞曲不藏直落霞與孤鶩齊飛
秋水共長天一色

方外交疏一句子無彼此以我爲隱乎吾無隱乎爾
法座這箇寶華王座常在諸人面前晝夜放光因什
麼不見山僧今日指出便乃與三世諸佛六代祖師
天下老和尚同一受用也遂陞座拈香云此一瓣香

天上天下世出世間竝屬踈臨皆承恩力薰向鑪中
端爲祝延今上皇帝聖躬萬歲萬萬歲陛下恭願乃
聖乃神乃武乃文四海咸歌有道自西自東自南自
北八方盡樂無爲次拈香云此一瓣香奉爲皇天之
下一人之上西天佛子大元帝師大寶法王資培福
慧復拈香云此一瓣香奉爲行省大丞相行宣政院
官文武寮寮同增祿筭歛衣就座師云寶印當空妙
重重錦縫開不費纖毫力提掇鳳山來放行則萬象
回春把住則千峯寒色且道把住好放行好試出來
道看僧問虛空爲鼓須彌爲槌請和尚一揮祝皇王

萬壽師云天長地久進云可謂日月先天德山河壯
帝居師云多少分明進云錢塘乃江南第一郡鳳山
乃錢塘第一峯和尚以公選住持如何報答君相師
云愈令心似鐵進云此山唐時號羅漢院黃檗下宗
徹禪師因僧問如何是祖師西來意答云骨剗也此
意如何師云我道你髑髏百碟碎進云又問他南宗
北宗他答云心爲宗宗卽不問未審喚什麼作心師
云速禮三拜進云橫擔柳栗不顧人直入千峯萬峯
去師云且莫詐明頭僧禮拜師乃云三世諸佛橫說
豎說不會道著一字六代祖師全提半提不會接得

一人雖然不接一人各各眼橫鼻直雖然不道一字
言言玉轉珠回雙放雙收同生同歿全明全暗有殺
有活德山入門便棒臨濟入門便喝睦州見僧便道
現成公案資福道隔江見刹竿便回去脚跟下好與
三十棒八十翁翁入場屋真誠不是小兒戲你若對
衆決擇分明山僧分付鉢袋子復舉白雲端和尚示
衆云若端的得一回汗出便向一莖草上現出瓊樓
玉殿若未端的得一回汗出縱有瓊樓玉殿被一莖
草蓋却師云拈却一莖草瓊樓玉殿在什麼處到江
吳地盡隔岸越山多

當晚小叅僧問諸佛不出世祖師不西來佛法徧天下談玄口不開既是佛法徧天下爲什麼談玄口不開師云南斗七北斗八進云未審此理如何師云去西天路迢迢十萬餘乃云人天歎前激揚此事也須是本分衲僧始得若非本分衲僧未免遭人怪笑只如適來禪客立箇問頭恁麼答他却理會不得再舉一徧既是佛法徧天下爲什麼談玄口不開簷聲未斷前宵雨電影還連後夜雷

省中把茶回上堂舉風穴在郢州衙內上堂云祖師心印狀似鐵牛之機去卽印住住卽印破只如不去不住印卽是不印卽是時有盧陂長老出問某甲有鐵牛之機請師不搭印風穴云慣釣鯨鯢澄巨浸却嗟蛙步輾泥沙陂佇思穴喝云長老何不進語陂擬議穴打一拂子云還記得話頭麼試舉看盧陂擬開口穴又打一拂子牧主云將知佛法與王法一般穴云見箇什麼道理牧主云當斷不斷反招其亂穴便下座師云擊石火閃電光構得構不得未免喪身失命風穴壁立千仞坐斷盧陂舌頭盧陂若是箇人未到牧主檢責纔見他道祖師心印狀似鐵牛之機呵呵大笑若擬議拍一拍便行無端請師不搭印倚他

門戶傍他牆剛被時人喚作郎如今有人與風穴作
主我要問他心印在什麼處

中秋上堂鳳山說何似萬象說八月十五夜月最親
切八月十八日潮更直截聞不聞瞥不瞥嘉州大象
喫蒺藜陝府鐵牛流出血

上堂佛法兩字不要拈著拈著則不堪這裏龍蛇混
雜凡聖同居若起無事心棒了趁出院金不博金水
不洗水一句作麼生道放憨作麼

上堂千聖頂顛上點著便知萬象森羅前突出難辨
亘古亘今無縫罅蓋天蓋地絕羅籠挽之不來推之
不去擁之不聚撥之不散直得秋光湛湛體露金風
夜色澄澄涼生玉宇高枝多宿鳥腐草足流螢卽合
靈顛倒之心見諸佛圓常之性恁麼說話笑殺衲僧
衲僧畢竟有甚長處喝一喝

冬至小叅僧問世事悠悠不如山丘臥藤蘿下塊石
枕頭未審與垂手入鄜的相去多少師云也不較多
進云豈無緇素師云一對無孔鐵槌就中一箇最重
進云與麼則天下老和尚總在裏許也師云因誰置
得進云數聲清磬是非外一箇閒人天地間師云方
纔搓彈子便要捻金剛進云明日書雲令節畢竟書

什麼雲師云那邊是什麼雲進云但願來年蠶麥熟
羅睺羅兒與一文師云一日便頭白乃云垂萬里鈞
駐千里烏騅布漫天綱打衝浪錦鱗如大力魔王道
我待一切衆生成佛盡衆生界空無有衆生名字我
乃發阿耨多羅三藐三菩提心廣額屠兒放下屠刀
道我是千佛一數早是不啣嚼更向長連牀上坐長
連牀上臥眼眈瞪地殺不灰羊相似萬年一念有什
麼益不如泥猪疥狗却有出離之期明明向你道開
口不在舌頭上要急相應來日是書雲復舉龍濟道
萬法是心允諸緣唯性曉本無迷悟人只要今日了

師云既無迷悟了箇什麼從前汗馬無人識只要重
論蓋代功

上堂上是天下是地耳裏聽聲鼻中出氣陝府鐵牛
吞嘉州大像則且置拽取瞻波國與新羅國鬪額是
第幾機

上堂拈拄杖卓一下召衆云我這裏卓拄杖你那裏
聞聲爲將耳聞爲將心聞若將耳聞耳朶兩片皮作
麼空聞若將心聞心如工伎兒意如和伎者又作麼
生聞終不虛空裏聞也若是虛空裏聞卽是常聞何
待這裏卓拄杖然後聞鳳山不卓拄杖爲什麼不聞

去豈不見文殊道聲無既非滅聲有亦非生生滅二
圓離是則常真實却因後語爲蛇畫足盡情放捨脫
體無依轉向那邊更那邊亦未是到家時節到家一
句作麼生道只知事逐眼前過不覺老從頭上來
上堂若有老僧卽無闍黎若有闍黎卽無老僧闍黎
自闍黎老僧自老僧喚作闍黎也得喚作老僧也得
驀拈拄杖卓一下喝一喝

上堂茅堂月淡竹戶風淒冰枯雪稿之時鼓寂鐘沈
之夜心心永寂石女剪於龜毛念念攀緣木人裁於
兔角不是洞山五位亦非臨濟三玄齒牙敲磕處一

字元無父母未生前全機獨脫透頂透底亘古亘今
飯是米做一句作麼生道久立

上堂徧界是通身是無一處不是無一念不是忽然
拈起拄杖子問他這是不是便見一千箇內九百九
十九箇口如匾擔相似直須自己偷心歿方信從前
都不是都不是只這是吉了舌頭三千里喝一喝
上堂見拄杖不喚作拄杖見屋不喚作屋正是癡狂
外邊走見拄杖但喚作拄杖見屋但喚作屋又是依
樣畫貓兒兩人同到山中總與一杯茶喫要辨緇素
且待別時

佛成道上堂三千大千世界日月星辰山河淮海昆
蟲草木有情無情拈拄杖卓一下云盡向這裏成等
正覺然後鳳山不入這保社何也石頭道底

除夜小叅僧問日從東上月向西沒作麼生是不遷
義師云柳絮隨風自西自東進云年年是好年日日
是好日師云瞎老婆吹火乃云未達境惟心起種種
分別達境惟心已分別卽不生不生法中具足世間
出世間法一立一切立一破一切破一放一切放一
收一切收覲體全該當陽廓示方便喚作常住法身
流出無邊諸三昧海文殊普賢大人境界德山臨濟

向上提持此方他方齊成佛道有說無說俱轉法輪
極三際爲一時統十方爲一刹二十四氣七十二候
三百六十五日只在剎那悟之則當念圓明迷之則
永沈生歿復舉保寧永和尚示衆云世尊不說說迦
葉不聞聞卓拄杖云水流黃葉來何處牛帶寒鴉過
遠村師云青州黎鄭州棗大抵無過出處好

歲旦上堂半夜起來赴省堂焚祝焚祝了丞相府諸
衙門人事人事畢卽回殿堂行香撒沙呪土遶廊行
道次第諸山報禮準備接官若作新年頭佛法會入
地獄如箭射

進退兩班上堂虎豹文章全歸爪牙之力鯤鵬變化
必藉羽翼之功法社要在人叢林自然增氣睦州佐
黃檗楊岐輔慈明相與建法幢展衲僧巴鼻
元宵上堂一切月以一月爲真一切燈以一燈爲體
一卽一切一切卽一一從什麼處起洎合錯下註脚
諸山講主至上堂先聖道諸法不自生亦不從他生
不共不無因是故說無生盡大地是胡餅任你橫咬
豎咬西天那爛陀寺裏一萬來僧人人得喫只有摩
訶迦羅大神不得喫把須彌山一摑百襍碎帝釋時
跳上梵天去也

上堂卽心卽佛禍不入慎家之門非心非佛舌是斬
身之斧古人的今人用今人的古人爲一夫吠虛千
徠啞實鳳山今日不惜性命與你諸人抽釘拔楔去
也茶

佛涅槃上堂東西南北空中鳥跡南北西東水底魚
蹤瞿曇用盡平生力直至而今歸不得
忽都達兒狀元入山上堂舉玉泉浩布禪因東坡居
士微服相訪浩問云尊官何姓坡云姓秤是秤天下
長老的秤浩唾地云這一唾重多少坡休去師云玉
泉是作家宗匠東坡是當世大儒驀劄相逢發揮此

道盡謂東坡休去秤尾無星殊不知八兩半斤總在自家手裏雖然如是也須扶起玉泉只如他道這一唾重多少多少人道不得直饒道得更與一唾
上堂景物舒晴湖山疊翠相將寒食共賞芳菲畫船處處笙歌花市重重錦繡風流公子全彰古佛家風紅粉佳人廓示祖師巴鼻便請拘折拄杖高挂鉢囊不用低頭思量難得

上堂這裏鳴鐘擊鼓拈拄豎拂說黃道黑也只爲你諸人那下長街短巷負兒挾女嗔拳惡罵也只爲你諸人地獄未是苦在此衣線下不明大事却是苦此時若不究根源直待當來問彌勒

浴佛上堂僧問護明大士未降王宮釋迦老子在什麼處師云眨上眉毛進云謝師答話師云恰值拄杖不在師乃以拂子打一圓相云三十二相無此相八十種好無此好跛跛挈挈且過時人來不必重尋討
喝一喝

結夏小叅僧問盡大地是箇佛身向什麼處安居禁足師云錦上鋪花又一重進云竹密不妨流水過山高豈礙白雲飛師云隨語生解乃云摩竭陁國親行此令抵歿要知換却性命設使懸崖撒手自肯承當

絕後再甦欺君不得也是棺木裏瞠眼鳳山這裏無
許多事尋常只是九十日爲一夏黃陳米飯苦益菜
羹尊勝寺前疊疊青山不盡西興渡口茫茫白浪無
窮行也任你行坐也任你坐出也任你出入也任你
入卷舒自在彼此何拘却不許埋在聲色堆頭亦不
許離他聲色總不與麼還作麼生錦衣公子貴林下
道人高復有頌云拈却東山水上行薰風殿閣生微
涼住山不費纖毫力自有人提折脚鐺
上堂一句合頭語萬劫繫驢橛靈利漢聞得便行早
遲八刻了也

同叅至上堂舉泉大道訪慈明明云片雲橫谷口遊
人何處來泉云夜來何處火燒出古人墳明明云未
更道泉便作虎聲明明便打一坐具泉推明明向禪牀上
明却作虎聲泉云我見八十餘員善知識惟師繼得
臨濟宗風師云錯下名言當時慈明爭容得這風顛
漢恁麼道更與一坐具且看他作箇什麼伎倆纔眼
目定動便連棒趁出臨濟法道未致寂寥
上堂紅塵鬧市公子家風曠野溪山道人活計一則
穿花度柳一則嘯月眠雲那箇得那箇失雲在嶺頭
閒不徹水流澗底太怵生

上堂不落因果不昧因果總未脫野狐身若要脫野
狐身更過五百生始得召眾云還肯鳳山與麼道麼
盡大地人不肯總是野狐種族喝一喝
中夏上堂和尚子莫妄想起心動念是妄想澄心息
念是妄想成佛作祖是妄想往往將妄想滅妄想無
有了期直饒古今言教一時明得如珠走盤敢保此
人未出陰界礙膺之物誰與消除若得消除名爲解
脫其實未得一切解脫超毗盧越釋迦大丈夫兒合
到如此點宵點肋稱楊稱鄭作什麼我未曾向六月
裏下一陣大雪與你諸人在

上堂打鐘鐘鳴打鼓鼓響三世諸佛競出頭來六代
祖師沒藏身處鐘中無鼓響鼓中無鐘聲鐘鼓不交
叅句句無前後畢竟喚什麼作句喝一喝
施主看楞嚴上堂體理得妙了了常知一種平懷綿
綿不漏著衣喫飯蓋是尋常見色聞聲猶如聾瞽但
可入佛不可入魔透得十種禪關出得五陰區宇處
處無非佛事頭頭總是道場酒肆淫坊了無罣礙龍
宮虎穴任便經過亦可入魔亦可入佛然後佛魔俱
遣凡聖不存不取涅槃不居生歿道我大事了畢拄
杖不在茗帚柄聊與三十

上堂纔有是非紛然失心還識祖師面目麼

入新僧堂上堂舉王常侍一日訪臨濟同至僧堂前侍云這一堂僧還看經麼濟云不看經侍云還坐禪

麼濟云不坐禪侍云既不看經又不坐禪畢竟作箇什麼濟云總教伊成佛作祖去侍云金屑雖貴落眼

成翳濟云我將謂你是箇俗漢師云臨濟吹毛劍什麼處去也若也拈出有什麼王常侍在自出洞來無

敵手得饒人處且饒人

因齋羅漢上堂風生古殿月轉回廊香煙合匝燈燭熒煌寶頭盧尊者應供四天下無一處不到還到此

間麼此間是什麼所在說到不到合掌云三德六味施佛及僧便下座

上堂靈鷲山中量材補職曹溪路上少實多處不論薄地凡夫便請丹青獨步快與快與有麼有麼比擬張麟兔亦不遇

上堂好諸禪德菴紅李白水綠山青煙雨樓臺市鄺車馬雲舒雲卷露出幾箇峯巒船去船來驚散一行鷗鷺橋邊酒店柳外人家子細觀瞻分明畫出畫出則不無如何著筆無風荷葉動必定有魚行

上堂婆餅焦斷消息花底春禽鳴歷歷不如歸去不

撰述
如歸自是不歸歸便得喝一喝

松林施主妙蓮居士項氏捨寶蓋入山上堂生心受
施淨名早訶有法可說如來不許直得無物可施無
法可說牢籠佛祖含育聖凡猶是半珠未爲全寶到
箇裏明如杲日寬若太虛千聖不攜萬機寢削塵塵
爾刹刹爾念念爾法法爾盡十方微塵國土一時拈
來著在針鋒上却從針鋒上流出一切智光明雲於
其雲中現妙蓮華量等十方微塵國土合爲一蓋內
出百千佛異口同音而說偈言一念普觀無量劫無
去無來亦無住如是了知三世事超諸方便成十力

說是偈已卽入針鋒裏去也

上堂如來涅槃心 祖師正法眼衲僧奇特事知識解
脫門總是十字街頭破草鞋拋向錢塘江裏著歸堂
解夏小叅僧問如何是先喚後用師云擘開太華連
天色放出黃河到海聲進云如何是先後喚師云
劍爲不平離寶匣藥因救病出金瓶進云如何是喚
用同時師云定光金地遙招手智者金陵暗點頭進
云如何是喚用不同時師云三月懶遊花下路一家
愁閉雨中門僧禮拜師云更問一轉豈不好僧便退
師乃云臨濟宗風直須辨主若不辨主有眼如盲所

以道不容擬議斬全身始得名爲主中主靈鋒寶劍
常露現前擬犯鋒鋌橫屨萬里一等擔拄杖行脚還
曾辨得主麼你若辨得主見他禪牀上老漢纔開口
動舌背却法堂著草鞋便行較有些子衲僧氣息但
與麼軟嫩嫩地無骨頭相似見人說有便著有說無
便著無十二時中全沒主宰將什麼敵他生歿消他
信施埋沒自己屈辱先宗無過此人纔方結夏又見
解夏日復一日歲復一歲待閻老子徵飯錢遲了何
不及早回頭子細尋思看是什麼道理髑髏常千世
界鼻孔摩觸家風萬里神光頂後相直下會得轉凡

成聖只在片時其或未然換手搥曾去在復舉外道
問世尊昨日說何法尊云說定法外道云今日說何
法尊云說不定法外道云因什麼昨日定今日不定
尊云昨日定今日不定師頌云行盡江南數十程曉
風殘月入華清朝元閣上西風急都入長楊作雨聲
徑山送寂獎先師入塔回寺上堂鳳山夜來夢見阿
耨達池龍王請五百羅漢齋徑山末後方至於是龍
王問云賓頭盧尊者一日應供四天下徑山因什麼
來遲徑山云聽取我四句本無生滅寧有去來河水
發談枯木花開道了便把井底蓬塵一撒却騎山上

鯉魚歸天台去也大眾夜來夢的是今日舉的是
同諸山揆院官回上堂舉石門聰和尚入州看官路
逢延慶長老問云中路相逢一句作麼生道門云某
甲禮拜和尚有分明日到院茶話次慶云昨日聞學
士說新石門和尚和尚久在石門爲什麼却新去門
云腦後合掌問云來時無物去時空二路都迷且如
何得不迷去門云秤頭半斤秤尾八兩師云石門道
某甲禮拜和尚有分延慶著賊也不知要識石門麼
李靖三兄久經行陣雖然如是未免倚勢欺人
中秋上堂一月普現一切水一切水月一月攝盡大

地是水阿那箇是月盡大地是月阿那箇是水你若
不信錢塘江裏少哩

上堂鑪鞴之所多鈍鐵良醫之門足病夫不因柳毅
傳書信何緣得到洞庭湖

歲旦上堂舉香巖云去年貧未是貧今年貧始是貧
去年貧有卓錫之地今年貧錫也無真淨云去年富
未是富今年富始是富去年富惟有一領黑黪布衫
今年添得一條百衲袈裟歲朝抖擻呈禪歟實謂風
流出當家師云香巖貧未是貧奈何猶有箇渾身真
淨富未是富家私未免俱呈露鳳山這裏不說富不

說貧隨家豐儉沒踈親豎拂子收來兔角長三尺放
去龜毛重九斤

元宵懺會上堂僧問二祖謁初祖便云我心未寧乞
師安心初祖向他道將心來與汝安且道是有心可
安無心可安師云劄進云二祖云覓心了不可得初
祖云與汝安心竟還端的也無師云曾經霜雪苦楊
花落也驚進云及三祖問二祖云弟子身纏風恙請
師懺罪意作麼生師云蹉過了也進云二祖云將罪
來與汝懺爲復是因風吹火爲復是入草求人師云
有甚共語處進云三祖道覓罪了不可得二祖云與

汝懺罪竟請和尚分明指示師云朝三千暮八百進
云只如二祖安心三祖懺罪是同是別師云雪上加
霜進云與麼則前無釋迦後無彌勒也師云過這邊
立進云今晨施主禮懺設齋特請和尚陞堂未審獲
什麼福報師云速禮三拜進云路逢死地莫打殺無
底籃子盛將歸師云一狀領過乃云有一人具大闡
提作無間業捨戒定慧行貪嗔癡栽蒺藜於三有田
中種荆棘於一真地上乃至謗佛毀法破和合僧能
可永劫沈淪不求諸聖解脫直待一切衆生成佛盡
乃發阿耨多羅三藐三菩提心未審此人如何懺悔

撰述
卷之四

良久鑊湯鑪炭吹教滅劍樹刀山喝使摧

上堂問侍者云三月屬什麼生者答云屬龍師拈拄

杖云忽然轟一箇霹靂山河大地百禩碎菩提涅槃

真如解脫何處有也

浴佛上堂今日如來降誕之日灌沐金軀之時為復

是有塵灌沐為復是無塵灌沐若道有塵灌沐與如

來敵體相違若道無塵灌沐早是塗汙了也畢竟如

何可憐一盆湯

上堂俱胝豎一箇指頭雪峯輓三箇木毬石鞏張弓

架箭華亭短棹孤舟鳳山無法可說不妨坐斷杭州

就中却有箇好處好在什麼處四五百條花柳巷二

三千管絃樓

上堂梯雖高不能達河漢鋏雖利不能到風輪通上

徹下一句作麼生道良久云確

佛日普獎慧辯楚石禪師語錄卷第四

音切

扃烏何切 柳阻瑟切 愁火含切 罇呼嫁切 搓七何切 捻乃協切 眈徒周切

眈天洽切 瞪丈證切 徠乃刀切 喏魚佳切 禪古蒐切 瞠丑庚切 茗徒周切

帝西蒲拜切 鞞千敢切 鞞七消切

支那

卷之四

七

撰述

秀水詩錄卷四

十一

秀水東禪寺比丘明得施貲刻此
楚石禪師語錄第四卷
州王國英書 溧水毛詩榮刻
萬曆庚寅秋五臺山妙德卷識

佛日普奕慧辯楚石禪師語錄卷第五
師於至正四年八月初八日入寺
山門蟄戶未開龍無龍句打破虛空全體顯露復云
步
佛殿佛者覺義覺的是誰西天移來此土藕絲牽著
須彌
祖堂達磨師不是祖半夜下閣浮日輪正卓午
據室踞虎頭收虎尾第一句下明宗旨直饒明得已

佛日普奕慧辯楚石禪師語錄卷第五

住嘉興路本覺寺語錄

侍者祖潛等編

師於至正四年八月初八日入寺

山門蟄戶未開龍無龍句打破虛空全體顯露復云

步

佛殿佛者覺義覺的是誰西天移來此土藕絲牽著

須彌

祖堂達磨師不是祖半夜下閣浮日輪正卓午

據室踞虎頭收虎尾第一句下明宗旨直饒明得已

是第二句若明不得更參三十年
拈宣政院疏劄鞞芥投針則易轉凡成聖非難不假
他求盡在箇裏還見麼更聽知事宣白

指灑座陽春白雪唱高和寡村歌社舞到處合得著
新本覺今日相席打令去也陞座拈香祝聖畢師云
現成公案不用安排無孔鐵槌有什麼限稍知觸淨
便好商量僧問先聖道帝王長壽天下太平此意如
何師云帝王長壽天下太平進云學人與麼問和尚
因什麼也與麼答師云好本天下同進云不是心不
是佛不是物是什麼師云破草鞋進云還許學人露

箇消息也無師云苦屈之詞不妨難吐進云衝開碧
落松千尺截斷紅塵水一溪師云知蟲御木乃云百
尺竿頭進一步海闊天寬萬人叢裏奪高標眼親手
辦空劫已前自己卽是日用自己日用自己卽是空
劫已前自己不可說不可說香水海浮幢王刹都盧
在你肩毛眼睫上普光明殿本是盧舍那與文殊普
賢觀音彌勒目連鶖子馬鳴龍樹一一爲諸人演說
心地灑門了也還聞麼若聞去不妨隨處度生若不
聞壽山入院事繁未有工夫與你說在復舉僧問曹
山諸佛未出世時如何山云曹山不如僧云出世後

如何山云不如曹山師云大小曹山口甜心苦或有人問壽山諸佛未出世時如何向他道好出世後如何好與他三箇好且聽一生叅

當晚小叅僧問天不能蓋地不能載時如何師云看你分疎不下進云因什麼向芥子裏出頭師云若要好大做小進云莫是他安身立命處也無師云渠儘得自由乃云眼裏著沙不得耳裏著水不得恁麼來者不向一人眼裏著得須彌山耳裏著得大海水恁麼去者不肯一人無言處演言無事處成事無佛處作佛無主處度生卷舒立方外乾坤縱橫掛域中日月得失俱喪是非杳忘撥轉向上關叡瞎頂門眼拋却空王殿卸下本來私猶未是衲僧受用處還委恁麼家無小使不成君子復舉智者銓和尚示眾云要扣玄關須是有節操極慳慳斬得釘截得鐵硬剝地漢始得若是畏刀避箭之徒看卽有分師云大小智者用盡自己心笑破他人口壽山別無奇特朝晨熱水洗面黃昏脫襪打瞌大海從魚躍長空任鳥飛上堂日裏鬧浩浩不妨靜悄悄夜間靜悄悄不妨鬧浩浩靜的鬧的輟作一團是業識是佛性喝一喝中天上堂天上月圓人間月半古人道赫日猶虧半

烏沉始得圓且那一半落在什麼處更深夜靜共伊
商量

上堂舉傳大士云灑地若動一切不安師云壽山從
朝至暮不知走了幾遭若是灑地誰敢動著一莖草
復云我不爭恁麼道傳大士坐了起不得

上堂此事如一隻手相似開也在我合也在我伸也
在我縮也在我只是不許喚作手若喚作手頭上安
頭不喚作手斬頭竟活畢竟喚作什麼總道不得壽
山通袖去也便下座

上堂三通鼓罷一炷香焚老僧坐定諸人總立古人
道目前無閣黎座上無老僧意作麼生莫是一切皆
空麼莫是泡幻之質終歸敗壞麼莫是有形有相便
是無形無相麼莫是正恁麼時全明向上事麼莫是
換人情識麼總不是這箇道理若與麼見解實未得
安樂在行住坐臥動靜去來子細躊躇看

上堂達磨不來東土二祖不往西天臨濟不叅黃蘗
趙州不見南泉是處池中有月誰家竈裏無煙有問
分明向伊道新羅國在海東邊

上堂是柱不見柱非柱不見柱是非已去了是非裏
薦取師云教裏少哩修山主有多少奇特也只是座

主見解未夢見我祖師意旨
在見露柱但喚作露柱
見燈籠但喚作燈籠
不得動著動著三十棒

上堂祖禰不了殃及兒孫
壽山無端走入水牯牛隊
裏牽犁拽耙與你諸人抵債
還有人相救麼若有不妨
出來道看如無釣竿斫盡
重栽竹不計功程得便
休

上堂言發非聲色前不物泥像
手中拂子踔跳上三十三天
木魚口裏明珠吞却山河大地
諸人向什麼處安身立命
不得春風花不開

開爐上堂寒則普天普地寒
熱則普天普地熱百億

世界百億日月總與這裏不別
你道西天那爛陀寺裏今日
有幾人開爐

上堂召大眾云若道說的是爭
奈諸濃寂滅相不可以言宣
若道默的是爭奈佛濃無人
說雖慧莫能了莫是說時
默默時說麼向下又長付在
來日

冬至小叅拈拄杖卓一下云
三九二十七菩提涅槃真如
解脫什麼處去也古人事不
獲已向諸人道目前無濃意
在目前不是目前濃非耳目
之所到便與麼會去早是第
八頭更若躊躇又落第九首
德山到此入門便棒臨濟到
此入門便喝雪峯到此便道

南山驚鼻虵趙州到此便道庭前栢樹子雲門到此便道手中扇子踣跳上三十三天築著帝釋鼻孔把東海鯉魚打一棒雨似盆傾灑眼到此便道叅同契云竺土大仙心遂云無過此語也向下中間也只是應時節說話至崑後謹白叅玄人允陰莫虛度乃云住住恩大難酬師云設使粉骨碎身亦報此恩不得若報此恩不得總是虛度允陰只這竺土大仙心未審諸人明也未於此明得冬至一陽生於此不明更過恒河沙劫又卓一下復舉須菩提尊者因帝釋雨花問云此花從天得耶帝釋云弗也尊者云從人得

耶帝釋云弗也尊者云從何得耶帝釋舉手尊者云如是如是師云澤廣藏山狸能伏豹帝釋放過須菩提尊者尋常將什麼說灑也好與一撥

上堂黃帝求珠可貴可賤卞和泣玉堪笑堪悲老聃西出函關多處不如少實孔子南游江漢遠親不如近隣潘閭倒騎驢梵志翻著襪這一隊漢生前莽箇歎後顛預德山令行竝須瓦解

上堂舉雲門大師因肇灑師云諸灑不異者不可續見截鶴夷岳盈壑然後爲無異者哉門云長者天然長短者天然短又云是灑住灑位世間相常住乃拈

起拄杖云不是常住灑師云一家有事百家忙喝一
喝下座

了菴和尚赴靈巖進發上堂僧問西天二十八祖也
與麼東土六祖也恁麼恁麼恁麼如何指示師云我
却不恁麼進云如是則超佛越祖罩古籠今也師云
也不消得進云自有一雙窮相手不曾低揖等閒人
師云可惜許進云三聖道我逢人卽出卽不爲人
意旨如何師云頭重尾輕進云興化道我逢人卽不
出卽便爲人作麼生會師云惱亂春風卒未休進
云只如新靈巖和尚今日進發且道與兩箇老古錐

是同是別師云還識靈巖麼進云玲瓏八面自回合
峭峻一方誰敢窺師云不信道進云昔日和尚來住
此山新靈巖與和尚交代今日進發不可空然師云
早已龜毛長數丈進云薄批明月高高飢細切清風
滿滿盤師云謝供養僧便喝師云禮拜了退乃云三
聖道我逢人卽出卽不爲人興化道我逢人卽不
出卽便爲人你看他臨濟兒孫如水銀落地相似
大底大圓小底小圓卒討他頭鼻不著新靈巖和尚
權衡佛祖鎔煨聖凡爲四海禪流掃諸方露布洞庭
湖上豎起金剛幢智積山中豁開正灑眼畢竟憑箇

什麼拈拄杖卓一下下座

上堂臭肉上蒼蠅坑廁裏蟲子還有佛灑也無有則淨穢懸殊無則聖凡隔絕諸人作麼生下得一轉語愜得病僧意

上堂攪長河為酥酪變大地作黃金供養什麼人盡十方世界是沙門一隻眼水陸空行蛸飛蠕動著在什麼處諸佛非我道誰是竄道者父母非我親誰是最親者國無定亂之劍家無白釋之圖晴是晴雨是雨作麼生道桑樹上著箭穀樹上汁出

上堂車不橫推理無曲斷北俱盧洲長粳米飯下座

病起上堂壽山不會說禪病起骨露皮穿判得閻羅老子一朝催討飯錢劍樹刀山未免鏝湯爐炭交煎更入驢胎馬腹不知脫離何年因什麼如此是他家常茶飯

除夜小叅僧問臨濟大師道第一句中薦得與佛祖為師第二句中薦得與人天為師第三句中薦得自救不了如何是第一句師云咄進云如何是第二句師云墮進云如何是第三句師云去僧禮拜乃云古風大好初無佛祖禪道隨緣放曠任性逍遙當恁麼時不可道你強我弱也見直言見不見直言不見知

撰述
五全言卷五
直言知不知直言不知東西南北陰陽寒暑高低貴
賤是非人我那裏得許多消息來纔分四聖六凡便
見七差八錯有佛有祖有禪有道掀翻海岳抖擻乾
坤縱使德山棒如雨點打他不住臨濟喝似雷奔禁
他不得壽山這裏只有一口劍佛之與魔總與一刀
兩段貴圖天下太平汝等諸人但管饑來展鉢困來
合眼復有何事臘月三十日也只是尋常不起纖毫
修學心無相允中常自在喝一喝復舉僧問九峯虔
和尚祖祖相傳傳箇什麼峯云釋迦慳迦葉富僧云
畢竟傳的事作麼生峯云同歲老人分夜燈師頌云

同歲老人分夜燈這頭點著那頭明從來不借他人
口切忌如何作麼生

歲旦上堂拈拄杖云山僧一條拄杖不曾胡亂打人
今日新正開封去也釋迦老子達磨大師放過不可
自餘之輩車載斗量利劍不斬歿漢忽有人出來道
長老聳臂脊便棒不是與人難共住大都緇素要分
明靠拄杖下座

上堂水中鹽珠色裏膠清決定是有不見其形傳大
士也是夢中了了醉裏惺惺要識心王猶欠悟在
上堂頭上漫漫脚下漫漫爍迦羅眼莫能窺盧舍那

身全體現便是須彌撲碎海水沸騰大地叢林一時
火起也未曾動著一毫毛在天人叅陪無路魔外人
作無門任從天下樂訥訥我獨不肯不見道塵中不
深丈夫兒喝一喝

上堂一樹兩樹莸花三莖四莖修竹昔年謾說靈雲
今日休談多福紅的自紅綠的自綠斜的自斜曲的
自曲南北東西叅學人畫蛇往往重添足休添足六
六元來三十六

佛涅槃上堂未瀆比丘有三種執一人云如來決定
在娑羅雙樹間入般涅槃執此爲實累他釋迦老子
歿了活不得一人云常在靈鷲山及餘諸住處執此
爲實累他釋迦老子活了歿不得一人云一切瀆不
生一切瀆不滅若能如是解諸佛常現前活的釋迦
老子便是歿的釋迦老子歿的釋迦老子便是活的
釋迦老子執此爲實正是大病世醫拱手總不與麼
時什麼處與釋迦老子相見風煖鳥聲碎日高花影
重

浴佛上堂未有世界早有此性世界壞時此性不壞
出世不出世成佛不成佛總是閒言語淨灑界身本
無出沒大悲願力示現受生恁麼說話正是俗氣不

除且道喚作釋迦老子不喚作釋迦老子一舉四十
九

結夏小叅僧問巍巍堂堂煒煒煌煌聲前非聲色後
非色未審是箇什麼師云無面目漢進云卽今在什
麼處師云眼見如盲口說如啞進云此人還曾禁足
也無師云脚不離地走進云且道此人肯成佛麼師
云莫謗他好進云旣不成佛却教誰度衆生師云有
衆生卽須度無衆生度什麼進云如今三界二十五
有浩浩地喚作無衆生得麼師云癡人面前不得說
夢乃云諸禪德你無外遺世界內脫身心心不繫身

身如虛空身不繫心心如灑界如是禁足無足可禁
如是安居無居不安猶未是衲僧行履處直得文殊
普賢掃牀摺被等妙二覺隨驢把馬到與麼田地日
消萬兩黃金雖然如是西天有人未肯在復舉教中
道種種取舍皆是輪迴未出輪迴而辨圓覺彼圓覺
性卽同流轉若免輪迴無有是處諸禪德喚什麼作
圓覺又如何免得輪迴去東澗水派西澗水南山雲
起北山雲

上堂雨後橋平水滿山前麥隳鳥啼岸柳毵毵林花
灼灼溪允湛湛草色青青是心耶境耶迷耶悟耶我

觀三千大千世界迺至無有如芥子許非是菩薩捨
身命處你若會得釋迦老子且過一邊

上堂縱橫不礙華藏海中一微塵逆順何拘刹竿頭
上翻筋斗無理外之事無事外之理無心外之物無
物外之心在蚌爲珠在龜爲兆在牛爲角在馬爲蹏
一一交叅重重攝入釋迦彌勒雖然卍字當習文殊
普賢也只鼻頭向下諸人幸自無事須要護身符子
作麼喝一喝

上堂三乘十二分教大似屎窖子你無端刺頭入裏
許作麼來來我共你葛藤拈拄杖云百千諸佛天下

老和尚到這裏亾鋒結舌你試吐露看衆皆罔措師
云賺殺人

上堂大事未明如喪考妣大事已明如喪考妣你道
有成褫無成褫長因送客處憶得別家時

上堂聞茶板喫茶去聞浴板洗浴去聞壽山道你諸
人休去歇去爲什麼不肯與麼去忽有人出來道和
尚怪某甲不得向他道未到壽山與你三十棒了也
解夏小叅僧問鐵作春梁骨金鑄堅實心時如何師
云此去錢塘不遠進云壽山門下若有此人未審如
何相待師云殷勤送出荒郊外進云謝和尚證明師

便喝僧禮拜師乃云天地同根萬物一體在谷滿谷
在坑滿坑量過虛空虛空猶有其名號明踰日月日
月猶並其光獬獠猴各佩古菱花樹木皆爲獅子吼
塵塵剎剎密密堂堂所以道灑王灑力超羣生常以
灑財施一切久積淨業稱無量導衆以寂故稽首有
如是奇特有如是靈明但衆生背覺合塵故諸聖應
病與藥或立結制或立解制或現全身或現半身但
貴正灑流通不許妄生穿鑿火不待日而熱水不待
月而涼鵠白鳥玄松直棘曲清風月下守株人涼兔
漸逢春草綠復舉世尊因白恣日文殊在三處度夏

迦葉欲白槌擯出方拈槌乃見百千萬億文殊迦葉
盡其神力槌不能舉世尊還問迦葉汝擬擯那箇文
殊迦葉無對師云迦葉好不丈夫莫道百千萬億文
殊便是百千萬億世尊也下一槌擯出不見道棒下
無生忍蹄機不見師

了菴和尚退靈巖回叙謝上堂夫爲善知識者驅耕
奪食轉凡成聖其見善知識者如見青蓮華眼根清
淨其聞善知識說灑者如餐香積國飯毛孔俱香靈
巖禪師之謂也再歸檣李淡愜鄙懷龍象叅陪幸希
珍重

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

上堂天上天下脚頭脚尾橫三豎四是我尋常用的
你諸人只好旁觀諸方學得來的不要有時教伊揚
眉瞬目有時不教伊揚眉瞬目有時教伊揚眉瞬目
是有時教伊揚眉瞬目不是智者聊聞猛提取莫待
天明失却雞

看田回上堂舉為山問仰山云何處來仰云田中來
為云田中有多少人仰鍾欽叉手而立為云今日南
山大有人刈茅仰拽鋤而去雪竇云諸方咸謂挿鋤
話奇特大似隨邪逐惡據雪竇見處仰山被為山一
問直得草繩自縛去灰十分妙喜云仁者見之謂之

仁智者見之謂之智百姓日用而不知故君子之道
鮮矣師云幸是無事被妙喜老漢念一道真言直得
天左旋地右轉

新贖藏經上堂舉雪峯一日普請搬柴次中路逢一
僧乃擲下一段柴云大藏教只說這箇後來真如詰
云一大藏教不說這箇師云只這箇是什麼說與不
說且諸人向什麼處見二大老中岳能豎起拂子云
提起則如是我聞放下則信受奉行師云若作佛灑
商量眉須墮落

建萬佛閣上堂僧問逼塞處不是莊嚴樓閣分明

面目亦非一萬如來敢問壽山憑何建立師云魯班
繩墨進云物見主眼卓豎師云鈞在不疑之地進云
若不登樓望焉知滄海深師云亂走作麼乃云一拽
石二搬土發機不用千鈞弩無邊樓閣滿虛空曠大
劫來誰是主誰是主須辨取最好一梁對一柱便下
座

謝首座秉拂都寺辦齋上堂禪非意想以意想求之
則乖道絕功助以功助擬之則錯安箇是立箇非捨
箇迷就箇悟轉急轉緩轉親轉疎不能透過那邊多
只住在這裏進則銀山萬疊退則鐵壁千尋撥得一

路開挨得一線入元來自己便是銀山鐵壁到與麼
田地有什麼奇特三德六味味逾多一句了然超百
億

上堂一切處是白己饅頭餛飩子是也不是語默動靜
無第二人東廊下西廊下口吧吧地如瓶瀉水相似
驀劄被人問如何是上座自己答不得雖然答不得
要且不會失呵呵下座

歲旦上堂拈拄杖云新年頭有佛灑拄杖子也未敢
相許新年頭無佛灑拄杖子也未敢相許離四句絕
百非總是諸方舊話子拄杖子也未敢相許畫一畫

元正啓祚萬物咸新

上堂過去諸如來且居門外現在諸菩薩更莫躊躇
未來修學人快走始得十方虛空撲落地上海洋海
底火發燒著帝釋肩毛東海龍王轟一箇霹靂新羅
國裏拍手大笑山門頭金剛竖起拳華允土地道用
盡自己心笑破他人口喝一喝

結夏小叅僧問一言道盡時如何師云開口了合不
得進云不假一言時如何師云合口了開不得進云
總不與麼時如何師云七棒對十三乃云眨上肩毛
早蹉過開得口來已話墮祖師關候少人知徧界茫

茫脚踏火聲前展演賺殺閻梨句後商量翻成途轍
一踢踢翻大海水一拳拳倒須彌山猶未是性躁漢
在何況起模畫樣詐啞佯聾斷妄攀緣求真解脫大
似認罽毼作水買朱砂畫月驢年解休歇麼壽山不
惜口業爲你諸人點破豎拂子云還見麼這箇是文
殊門若從文殊門入者山河大地牆壁瓦礫教你背
塵合覺擊拂子云還聞麼這箇是觀音門若從觀音
門入者松風澗響鴉鳴鵲噪教你返本還源到箇裏
證不動尊成無上覺更須知有頂門一竅還委悉麼
麥秋晨氣潤槐夏午陰清復舉龐居士叅馬大師不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

與萬漚爲侶是什麼人大師云待汝一口吸盡西江
水却向汝道師頌云蓋天蓋地一句子馬師盡力提
不起好笑青原接石頭逢人但問廬陵米

上堂古人云擬爲你吞却只爲當門齒礙如今不礙
也吞得麼擬爲你吐却只怕咽喉小如今不小也吐
得麼吞得一任吞吐得一任吐設你吞得吐得我更
問你是什麼乾屎橛

上堂是凡是聖半合半開非佛非心全生全殺直似
排空健翮萬里橫翔透網金鱗一絲不挂豈不俊快
衲僧有時句到意不到有時意到句不到有時意句

俱到有時意句俱不到若意句俱到你作麼生商量
若意句俱不到你又向什麼處鷓鴣啄上上人來時如
何點

中夏上堂舉龐居士云護生須是殺生薑不改辣殺
盡始安居到處得逢渠欲識箇中意爛泥裏有刺鐵
船水上浮鬚子沒髭須有底見他道殺也便道殺佛
殺祖揀箇什麼恁麼見解鄭州出曹門不如休去歇
去好忽然築著鼻孔鐵船水上浮是真實語

上堂大道只在目前要且目前難覩欲識大道真體
不離聲色言語諸仁者佛殿裏香爐東司頭籌子爲

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

你說了也。僑陳如尊者醉後添杯來我這裏聽的總是註脚當初只謂茅長短燒却元來地不平。上堂彈指一下云這裏聞去一根既返源六處咸休復眼處作耳處佛事耳處作鼻處佛事鼻處作舌處佛事舌處作身處佛事身處作意處佛事意處作一切處佛事畢竟是一耶是六耶纔有一便有六纔有六便有一此是一六之義不可道是無也無眼耳鼻舌身意無色聲香味觸塵又不可認有也這箇是教意那箇是祖意喝一喝

解夏小叅僧問九夏償勞如何言薦師云重疊關山

路進云便與麼去時如何師云江南僅有江北絕無乃云數日已來可謂極熱晚間得雨便覺清涼熱既不從外來涼亦非從內出不離當處廓爾現前則古釋迦不先今彌勒不後何待精修六度始至濃雲遠涉僧祇方階佛果便可於一毫端現寶王刹坐微塵裏轉大濃輪有時拈一莖草作丈六金身用有時拈丈六金身作一莖草用如斯坐夏功不浪施端的蠟人冰純成鐵彈子功圓果滿一句作麼生道一片月生海幾家人上樓復舉僧辭歸宗宗云什麼處去僧云諸方學五味禪去宗云我這裏有一味禪僧云如

何是一味禪宗便打僧云我會也我會也宗云道道
僧擬開口宗又打黃檗曰馬大師出八十四人善知
識問著箇箇瀉瀉地祇有歸宗較些子師云說什
麼較些子直是未在我這裏有一味禪便與欲倒禪
牀見之不取思之千里

上堂聞聲悟道塞却你耳根見色明心換却你眼睛
蒲團上端坐針眼裏穿線西風一陣來落葉兩三片
上堂東弗于逮普請搬柴西瞿耶尼和雨不審南瞻
部洲作什麼復云適來猶記得

雕千手千眼大悲像上堂僧問大悲菩薩用許多手

眼作什麼師云春風不裹頭乃舉南泉喚院主主應
諾泉云佛昔九十日在忉利天爲母說灑時優填王
思佛請目連運神通三轉攝匠人往彼雕佛像只雕
得三十一相爲什麼梵音相雕不得院主問云如何
是梵音相泉召院主主應諾泉云賺殺人師召眾云
若識得梵音相應以佛身得度者卽現佛身而爲說
灑乃至應以天龍夜叉乾闥婆阿修羅迦樓羅緊那
羅摩睺羅伽人非人等身得度者卽皆現之而爲說
灑且道說什麼灑便下座

龍翔曇芳和尚遺書至上堂心同虛空界示等虛空

灑證得虛空時無是非灑既無是灑又無非灑則諸佛成等正覺轉妙灑輪入般涅槃如夢相似曇芳老子佛海禪師屢董名藍親承眷遇方辭徑塢卽據龍翔末後允明全身舍利八斛四斗未足爲多試拈一粒與諸人看豎拂子云海神知貴不知價畱與人間爰熒夜擲拂子

上堂函蓋乾坤句隨波逐浪句截斷眾流句更有一句喚作什麼癡人面前莫說打你頭破額裂

上堂好雪從什麼處來山河大地白皚皚畢竟向什麼處去日出後一時吐露

歲旦上堂今年年是去年年年去年來知幾年昨日是今日日日日出日入非一日只箇無去來無出入年年是好年日日是好日四溟東海添般般若波羅蜜上堂舉灑華云止止不須說我灑妙難思諸增上慢者聞必不敬信師云說了也止得麼黃面老人分踈不下卓拄杖有時拈拄千峯頂劃斷天雲不放高上堂豎拂子云知有底喚這箇作拂子不知有底亦喚這箇作拂子作麼生辨什麼難辨就中知有底把來便用不知有底用不得如今在壽山手裏知有不知有那裏得這消息來擲拂子下座

上堂白牡丹紅芍藥開是春風開落是春風落開落
春風總不知不知蚤已成圖度搖手云莫莫

蘭華巖至上堂善財歷一百一十城叅五十三員善
知識未後再見文殊方了大事古人道更有一人爲
什麼善財不叅且道是什麼人咄

上堂鴉鳴鴉鴉鳴鴉郭公鳴郭公姑惡鳴姑惡
亦何必續鳧截鶴夷岳盈壑禪子相投西山月落

浴佛上堂未出胞胎以前有一轉語山僧四處住山
不曾說著今日如來降誕未免舉似諸人便下座

結夏上堂汝諸人見壽山搖唇鼓舌便擬聚頭鴿啄

向意根下搏量及乎放出金剛圈颺下栗棘蓬十箇
五雙吞跳不得此無他從前在髑髏裏妄想慣了又
閨閣中暖軟物未除卒遇惡辣鉗鎚便生退屈明明
向你道此事不在言語上千經萬論可是無言語還
使得偷心也無端的要夾偷心不用九十日內叅取
上堂鶯囀摩羅道我從無量劫來未嘗殺生諸人作
麼生會不可作無生話會也若與麼會生身陷地獄
上堂十方世界鬧聒聒山河大地只一撮是非長短
俱不說何似壽山廣長舌既是廣長舌因什麼不說
珊瑚枝枝撐著月

上堂一向面壁道絕人荒一向貪程眼瞶耳熱未有
長行而不住未有長住而不行或時十字街頭拈起
拄杖和其炎同其塵灼然一切處炎明燦爛去或時
孤峯頂上放下鉢囊杜其谿塞其穴灼然一切處枯
淡去卽心是佛也不得非心非佛也不得不是心不
是佛不是物也不得我見兩箇泥牛鬪入海直至如
今無消息喝一喝

上堂得之於心伊蘭作梅檀之樹失之於旨甘露乃
蒺藜之園生佛本同因什麼有得有失若道聖凡差
別證修不諦心旨故殊與麼喚作三家村裡瞎老婆
說話未曾夢見我衲僧腳下一莖毛在有般漢便道
此事得者本不得不得者亦不失盡是野狐精魔魅
人家男女未有了日更撞著禪牀上老秃奴不識好
惡三百五百聚頭商量道我開鑿人天眼目著甚來
由滴水寸絲也須償他始得

解夏小叅僧問一人因說得悟一人因叅得悟一人
無師自悟三人回到壽山未審接那一人師云獅子
咬人韓盧逐塊進云與麼則普請叅堂也師云去汝
不會我語進云總不與麼來時如何師云却較些子
進云壽山門下風吹不入水洒不著師云罕逢穿耳

客多遇刻舟人進云和尚只有受壁之心且無割城
之意師云莫錯怪老僧僧禮拜師乃云黃面老人於
三七日中思惟如是事作麼生是如是事莫是前後
際斷是如是事麼莫是度生既畢入般涅槃是如是
事麼若喚這箇作如是事正是水母以蝦爲目無自
由分謗他黃面老人喫鐵棒有日汝等諸人九十日
內畢竟思惟箇什麼我道黃面老人與你同一眼見
同一耳聞同一鼻嗅同一舌嘗同一身觸同一意知
一切智智清淨無二無二分無別無斷故雲門手中
扇子踔跳上三十三天築著帝釋鼻孔把東海鯉魚

打一棒雨似盆傾又作麼生昔年枉向途中覓今日
看來火裏冰復舉保寧勇和尚示眾洞山云五臺山
上雲蒸飯佛殿階前狗尿天刹竿頭上煎餛飩子三箇
胡孫夜簸錢石霜云風吹石臼爭哮吼泥捏金剛空
裏走趯翻海月亂波生驚起土星犯南斗道吾云三
面狸奴脚踏月兩頭白牯手擎煙戴冠碧兔立庭栢
脫殼烏龜飛上天此三頌一與祖佛爲師二驗衲僧
眼目三與天下人作榜樣若人定當得出許具一隻
眼師云保寧批判此三頌易分雪袒粉難辨墨中煤
壽山不惜眉毛從頭注破一與祖佛爲師分文不直

二驗衲僧眼目是甚泥彈丸三與天下人作榜樣且
莫錯會直饒會得萬里望鄉關

造萬佛上堂僧問滄山和尚道凡聖情盡體露真常
事理不二卽如如佛卽今佛在什麼處師云南地竹
北地木進云此佛還有形相也無師云胡人飲乳返
怪良醫進云和尚爲什麼特地起模畫樣師云打草
只要蛇驚進云未審有功德無功德師云放待冷來
看進云但願東風齊著力一時吹入我門來師云又
恁麼去也乃云夜夜抱佛眠喚什麼作佛朝朝還共
起莫錯認定盤星起坐鎮相隨畢竟是阿誰語默同

居止非一亦非二纖毫不相離如身影相似知道一
段虛空多少人摸索不著任是精金百煉巧計千般
鑄也鑄不成雕也雕不就傅大士纔開橐籥便見精
神直得鑑地燭天騰今耀古雖然也祇寫得一半你
諸人從朝至暮陞堂入戶開單展鉢本來面目有甚
掩處還見麼如今若不究根源直待當年問彌勒
八月旦上堂山河無隔礙光明處處透四天下人卽
今在中庭裏相爭佛灑甚鬧忽有箇出來道諸人幸
自無事無端被野狐涎唾紫邊抹了見人便耍爭佛
爭灑爭這箇爭那箇爭到驢年也未歇在彈指云好

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

沒與天帝釋聞得從三十三天下來喝云你這一隊
魔子在這裡爭什麼各與二十棒貶向他方去也壽
山不覺手之舞之足之蹈之火雲初散後金氣欲涼
時

上堂鴈過長空影沈寒水蟲吟古砌響答虛堂明明
生佛已前真機獨露了了見聞不及覲體無私坐斷
千差收歸一致作麼生道拄杖擬吞三世佛燈籠百
斛瀉明珠

雲溪講主至上堂凡夫見色是色見空是空聖人見
色卽空見空卽色諸人作麼生若見色是色見空是

空又同凡夫見若見色卽空見空卽色又同聖人見
纔有凡聖二見此人卽墮見執與彼先尼外道無別
驀拈拄杖云這箇決定不是色空作麼生見令人長
憶李將軍萬里天邊飛一鶚

重陽上堂昨日是中秋今朝又重九親我紫萸茶跣
他黃菊酒紫萸與黃菊本自無疎親相識滿天下知
心能幾人

怡雲屋造石爲佛塔成上堂舉教中道若人以真金
日施百千兩不如暫入寺誠心一禮塔理上偏枯若
人靜坐一須臾勝造八萬四千塔寶塔終久化爲塵

一念至心成正覺事上偏枯直饒理事雙正偏不立要見多寶釋迦則未可在還委悉麼龍佛現象王行處絕狐蹤

佛日普獎慧辯楚石禪師語錄卷第五




瀟徐林切儂奴冬切黻五角切驚并滅切聃他甘切閻芦宕切顛

頊上莫安切肇直小切晃扶揖切釘丁定切轟呼胡切

娟於沿切蠕汝朱切釋亦鏡切眇先合切蹠徒奚切飽丁因切翻

詩華切鷓竹咸切瞪牛哀切睞如倫切簸補我切擢他歷切煤莫切

鷓五名切嘉興天寧寺比丘寂庵施剎楚石禪師語錄第五卷 昆明沙彌 玄對 眞州王國英書 杭州李紹璋刻 萬曆庚寅秋臺山快



七
七